

7
dept

57

120.57

S 7

No. 72763




Presented
to the
**Library of the
Medical Society
of the
County of Kings**
by

E X C H A N G E

(UNIVERSITY LIBRARY OF
UPPSALA)


MAY 23 1931

12.239.





TRACTATUS IV.
DE
TERRÆMOTU.
AUTORE
MARCO ANTONIO
PLENCIZ,
MEDICO VINDOBONENSI.



VIENNÆ AUSTRIÆ,
TYPIS JOANNIS THOMÆ TRATTNER, CÆSAR REGIE
APOST. MAJEST. AULÆ TYPOGR. ET BIBLIOP.
MDCCLXIL

516483-4.

516483

*Perpetua sibi omnia promittentibus in mentem
non venit, id ipsum supra quod stamus, sta-
bile non esse. Seneca natur. quest. Lib. 6.*



12 NOV 1973
SCHOOL OF MEDICINE
199916376
MDCCCLXII

PRÆFATIO AUTORIS

A D

TRACTATUM IV. DE TERRÆ. MOTU.

Horrendus & memorabilis terræmotus, qui i. Novembris 1755. omnes penemundi partes conquisabat, & devastabat, incitavit multa Philologorum ingenia, ut in ejus naturam, originem & causas indagarent; quorum ratiocinia cum meis votis ad explananda terræmotus mirabilia phænomena minus apte responderent; ego ipse, ut mihi meoque sciendi desiderio satisfacrem, formavi systema quoddam, unde non tantum quisque terræmotus, sed & origo fontium, montium, conchyliorum, æstus marini, multaque alia lectione digna clariss., planiusque deduci possint.

A 2 Qua-

Quare factum est , ut eadem ,
quæ sparsim annotaveram , mihi-
que soli destinaveram , hac occasio-
ne colligerem , in ordinem redige-
rem , aliisque ut spero non ingrata
futura communicarem , quæ eo gra-
tiora pluribus fore confido , quod
illius horribilis 1755. terræ motus
dissertationem , latino sermone ty-
pis datam , adhucdum desiderari
videam . Unde hac , quam tibi si-
sto , Benevole Lector , fruere ; fa-
ve , & vale.

S E -



S E C T I O I

Brevem, & succinctam terræmotum historiam ab initio mundi ad hæc usque tempora productam, exhibet; ubi terræmotus, qui i. Novembris 1755. Ulysses ponem, magnamque globi terrauei partem conuassabat, item illi, qui Austria cum Metropoli Vindobona, affligebant, explanantur.

S E C T I O II.

De terræmotu in genere, ejus origine,
& causis.

SECTIO III.

De præcipuis terræmotuum phænomeniis, item de fontium, montium, conchyliorum, æstuum, ventorum, morborum, & aliorum, quæ ex nostra sententia sequuntur origine, causis, & effectibus agit.



TRA-



T R A C T A T U S I V
D E
TERRÆ MOTU.

S E C T I O I.



Uccinctam & compendiosam
terræmotuum, illius ve-
ro, qui 1. Novemb. 1755.
magnam globi terrauei par-
tem conveltebat, magis distinctam sistens
historiam.

I.

Quamvis probari non possit, credibile tamen videtur, jam ante diluvium universale a terræmotu, & exundationibus afflictum fuisse globum terraqueum, a quibus diversa continentia diruta, & a se invicem sejuncta fuere; ratio asserti est, quia causæ physicæ materiales, & occasioñales, a quibus nunc ille dependet, jam tunc aderant, uti & cauſæ finales, morales, nimirum crimina, propter quæ Deus genus humanum punire consuevit.

II.

An vero diluvium universale a terræmotu deducendum sit, suspicari quidem velim, sed statuere non ausim; quod Sect. II. magis elucescet.

III.

Interim prima notitia terræmotum, quantum noverim, habetur in Bardi Chronologia italice scripta, anno mundi

di 3508, ex quo in Græcia aperta fuit terra.

Sed jam anno mundi 3475. Ætna arsisse fertur, quod sine terræ motu haud factum fuisse reor.

V.

Item Anno M. 3511. urbis conditæ 296. in Morea ex terræ motu fuerunt aliquot civitates everfæ.

VI.

Item Anno M. 3519. V. C. 304. Græciam devastabat terræmotus, cui dein dira successit pestis.

VII.

Romam concusserat terræmotus Anno M. 3529. & 3532. V. C. 314. & 317.

VIII.

Atlantem Locrensum civitatem in insulam convertit terræ motus Anno M. 3543.

IX.

Terræ motus , qui Anno M. 3630.
V. C. 415. Macedoniam invaserat , e-
rat tot fulminibus stipatus , ut totus
mundus cremari videretur.

X.

Notari quoque meretur terræ mo-
tus , Anno M. 3726. qui Asiam
minorem , præfertim vero insulam Rho-
dum , atque illum memorabilem ibi situm ,
& inter memorabilia mundi numeran-
dum Colossum devastabat.

XI.

Terræmotus , qui post nativitatem
D. N. JESU Christi mundum afflige-
bant , est præ aliis ille mirabilis , qui
anno 30. adeoque in morte Sacratissimi
Redemptoris Judæam concusserat ; qui
non tantum in sacris litteris , sed & in
Scriptoribus profanis , ut Tertulliano ,
Dionysio Areopagita , & Luciano Mar-
tyre notatur.

XII.

XII.

Tacitus meminit terribilis terræ motus, qui primo post Christum natum sæculo 13. urbes everterat, urbes vero erant Ephesus, Magnesia, Sardis, Mosteni, Magechiro, Cæsarea, Philadelphia, Himulus, Tomis, Cuma, Mirtina, Apollonia, Diahircana.

XIII.

Anno 526. 9. Maji die Veneris, circa meridiem invasit Syriam tam vehementis terræmotus, ut celebris civitas Antiochia fere penitus corruerit, hunc concomitabatur ignis e visceribus terræ erumpens, & sex dierum spatio reliquum, quod ex ædificiis supererat, plane consumens.

XIV.

In sexto sæculo, sed diversis temporibus Græciam, præcipue vero Constantinopolim affligebat terræ motus, in quo singularia phœnomena observanda erant;

erant; nam in aliis terræ convulsionibus, lacus, flumina, maria plerumque intumescere, & exundare observantur; in hoc vero terræmotu contrarium accidit, nam mare a consuetis littoribus ad 2000. passuum se receperat; ex quo factum fuit, ut indefinitus piscium numerus in terra a mari deserta computuerit, & aëra infecerit, ex quo dein dirissima pestilentia exorta fuit.

XV.

Bertoldus Episcopus Constantiensis describit terræmotum, qui 1100. & 1117. fere totam pervagabat Europam, a quo multæ urbes diruebantur, multa hominum millia desiderabantur, tandem multi montes, infirmis factis eorum fulcris, exefisque eorum fornicibus, corruiſſe feruntur

XVI.

Anno 1348. in Austria, Stiria, aliisque ditionibus, præsertim Austria-

cis

cis sat diu furebat terræmotus , a quo quamplurimæ civitates , multaque hominum millia ad interencionem convellebantur , his malis successit pestilentia gravis , quæ magnam in his provinciis egerat stragem.

XVII.

Quammaxime vero memorabiles sunt terræmotus Annorum 1523. 1571. 1580. & 1623. Nam his plurima damnæ , quæ Hispanienses provinciæ , Belgium , Roma , aliæque adjacentes ditiones ferre debebant , in acceptis referunt ; Tyberis enim tanta exundatio , vicinarumque terrarum tanta inundatio fuit , cui similem annales non memorant . Verum nullibi majorem calamitatem , majorem stragem videre fuit , quam in Belgio ; etenim superatis & divulsis aggeribus , fossarumque monumentis , tanta fuit illarum provinciarum ex - & inundatio , fere Cataclysmo similis , ut quam plurima homi-

num

num & armentorum millia aut aquis, aut fame misere perierint. His calamitatibus successit pestilentia 1580. quæ universam fere Europam pervagabat, & devastabat.

XVIII.

Notabiliores sunt pariter præ aliis terræmotus, annorum 1692. 1701. 1703. 1706. Sed præcipue anni 1747. Nam primus Siciliam tam ferociter concusserat, ut celebres urbes, Syracusa, & Catanea fere penitus una cum 100000. hominum strage perierint. Secundus vero, tertius & quartus Italiam, Neapolim, Romam præcipue vexabat & infestabat, ædificiis ruinam, quam plurimis autem hominibus necem infrebat.

Ast ultimus, nimirum anni 1747. ideo præ aliis memorabilis & horribilis erat; quod non tantum diversis Europæ regionibus, sed præcipue Americæ no-

bi-

bilissimis urbibus, Limæ & Callao, Hispaniarum opulentissimis emporiis infestissimus, & perquam exitialis, extiterit; unde damnum ex tot & tam pretiosis amissis mercibus regi, aliisque mercatoribus illatum ad centum millia millionum piastrorum factum fuisse fertur.

XIX.

Verum alias, qui non pridem, id est circa finem Octob. & principium Novembris 1759. Syriam aliasque adjacentes provincias invasit, supereft reffendus terræmotus; ex quo celebris urbs Safet, quondam Betulia, cum multis pagis & magna hominum multitudine ad multas leucas subsidisse fertur; unde etiam aliæ civitates, ut Damus, Balbeg & Tripolis multum damni, & detrimenti sufferre debebant.

XX.

Nolo decidere, an eadem caufa materialis terræ motus, quæ, ut diximus
Sy-

Syriam devastabat , an alia paulo post ad plagam septentrionalem Europæ conversa , ibidem eandem tragœdiam lusebit ; etenim eodem anno 1759. intra 21. & 22. Decembris statim post medium noctem exortus est terræmotus , qui Norwegiam , Daniam , Sueciam , Holfatiam conquassabat ; maxima ejusdem vis fuit Gothoburgi ad finum Codanum , Carelfstad , Alingsas & in Judland . Hic terræmotus plus terroris , quam damni attulit , directio ejus erat ab occidente ad orientem .

XXI.

Hunc terræ motum in aliquibus locis præcesserant , in aliis vero concomitantur diversa phœnomena ; sic audiebatur magnus strepitus , murmura , sibillus , item concussio & fragor adinstar explosi tormenti bellici . Præterea cœlum in aliquibus locis videbatur lucidum & flammeum quasi in vicinia aliquod adesset incendium .

Ma-

Mare Norvegicum bulliebat, uti in aliis similibus casibus contingere pariter solet.

XXII.

Interim in hoc ultronee observandum & annotandum esse judico, quod nimirum uno altero die ante hunc terræ motum, Vesuvius, qui cum magna lava per aliquot dies furebat, dereumente siluerit; cui dein præsens terræmotus supervenit. Dein probabimus diversos Vulcanios, & Euripos per hiatus & canales subterraneos habere inter se communicationem; adeoque iste casus, & prædictæ circumstantiae nobis offerunt copiam & occasionem, ut possimus, non solum dicere, decidere, sed conjecturare, prædictum impetum Vesuvii retropulsum & ad plagam septentrionalem conversum fuisse.

Iste ipse terræmotus se dein magis ad plagas, meridionalem & occidentalem

exporrigebat ; sic die 19. Januarii 1760.
Aquisgranum , die vero 21. ejusdem
mensis , repetitis concussionibus infesta-
bat coloniam Agrippinam ; quinimo eo-
dem tempore se extendebat in Galliam ,
Hispaniam & Portugalliam.

XXIII.

Isti , quos summarie adduxi , &
breviter exposui , terræ motus sunt prin-
cipes , qui ad hæc usque tempora glo-
bum terraqueum concusserunt & affixe-
runt . Si horum atque plurimorum alio-
rum terræ motuum , quorum hic mentio
nulla facta est , completam desideras hi-
storiam , habes autores tum veteres ,
cum recentiores quam plurimos , unde tuæ
curiositati satisfacere valeas .

XXIV.

Interim terræmotus , qui Viennam
Austriæ metropolim , aliaque contigua ,
& vicina loca , infestarunt , tacitus præ-
terire non ausim , sed mihi recepto mo-

re tales quam brevissime attingam, ut
Annis 1201. 1265. 1341. 1410.
1485. tremuit Vindobona, sed damnum
exinde illatum non notatur, signum est,
tales terræmotus fuisse leves. Ast
terræmotus 1485. in eo est memoria
dignus, quod illo ipso tempore se Vi-
ennæ manifestarit, quo Rex Mathias
Viennam longa obsidione cingens, eam-
que ad ditionem cogens, publico &
triumphali apparatu Metropolim ingre-
deretur.

XXV.

Funestus & memoria dignus est ter-
ræmotus anni 1590. qui non tantum
Metropolim nostram, sed universam et-
iam austriam infestabat. Iste prima vice
observatus fuit Viennæ 15. Septembris
hora quinta vespertina, sat levis, se-
cunda concussio sentiebatur hora tardius
sed fortior. Tandem tertia conquassa-
tio, & quidem fortissima fuit hora 12.

noctis ; unde maxima pars ædificiorum fissuras & rimas contraxit , ut necessarium fuerit , fulcris & sustentaculis , ne collaberentur , fulcire. Domus ad solem aureum (goldene Sonne) dicta plane corruit , & solo æquata , lapidum horribilem præ se ferebat acervum ; sub cuius ruinis omnes inhabitatores aut encati , aut lethaliter læsi sepulti jacuere. Item turris Ecclesiæ Societatis JESU corruerat ; celebris autem turris Sancti Stephani exinde incurvabatur ; qualis ejusdem apicis curvatura ad hæc usque tempora perseverat.

XXVI.

Alter vix levior priore 1690. quarta Decembris infestabat Austria & Vindobonam , ex cuius concussione turris S. Stephani ex præcedente terræ motu aliunde jam labefactata adhuc majus detrimentum contraxit , ut fere lapsui proxima videretur. Quare necessarium fuit , ut cele-

celeberrimi Europæ Architecti advocarentur; qui dein magno labore, & magnis sumptibus illam firmarunt, sicque a casu præservarunt.

Aderat alias 1712. 10. Aprilis circa primam pomeridianam, sed levis & vix memorabilis terræ tremor.


XXVII.

Tandem supereft, quamvis extra annalium ordinem, singularis ille, & horribilis terræmotus exponendus, qui 1755. & 1756. orbem terraqueum, potissimum vero Lusitaniam, ejusque Metropolim Ulyssiponem concussit & devastavit, qui per magnam Europæ partem in Africam & Americam se extendit, & ubique locorum, quæ attigerat, funesta & lugubria post se reliquit vestigia.

XXVIII.

Terræ motus hicce inter alios recentissimus propter stupenda illius phœnomena

B 3 mēna



mena animis nostris tam alta impressit vestigia, ut credam, opus non esse, per longas ambages ejus tristem renovare memoriam, præsertim cum tot, & tam diversis linguis exaratæ, & minutim exponentes ejusdem historiam, prostent, & cui libet jam notæ sint relationes; unicum doleo, quod necdum copiam habuerim videndi latinam de hoc terræmotu historiam.

Unde hæc potissimum est ratio, quæ me movit, ut in descriptione hujus aliquantum prolixior videar.

XXIX.

Antequam vero ejusdem historiam referam, congruum esse judico, præmittere illa, quæ communiter magnos terræmotus præcedere, aut concomitari solent; sicque signa illa palam facere, quæ nostrum pariter præcedebant terræmotum, quæ cum illo conjungebantur.

Ma-

Magnos terræmotus præcedere & plerumque concomitari solent quædam signa, quæ in aquis, aëre, animalibus, quin imo in sole & luna observantur; sic aquæ alias lympidissimæ & insipidæ, fiunt turbidæ, ingratæ & sulphur redolentes. Observatur stridor gallinarum, anserum, nimia avium in caveis pervolitatio, fremitus equorum aliorumque quadrupedum conatus ad solvenda ligamina, columbarum diutinus per aëra volatus, quasi non fiderent alicubi conquiescere, quidam, ut Plinius, meminerunt cujusdam trabis cœlestis, quam oblonga nubes repræsentare videtur.

XXX.

Ast præ omnibus jam nominatis phœnomenis debet considerari motus mercurii in Barometro, ut singulare phœnomenon; nam solet mox ante, & tempore terræmotus sat profundum situm occupare; hoc ipsum contigit in terræ mo-

tu 1755. & quidem non tantum in illis locis, ubi sensibilis erat, sed & alibi, ut hic Viennæ, ubi nulla ejusdem aderant vestigia: sic in meo perpendiculari Barometro tam profunde situs erat, ut rarissime hoc in situ illum observaverim; in alio vero Barometro, quod constat ex uno brachio perpendiculari, & altero horizontali in 80. gradus diviso contigit, ut brachium horizontale plane deseruisset, & se ad perpendicularare recepisset Mercurius.

Ex quo inferre possumus, quod tempore terræmotus terra in certis locis non ita prematur; ex quo ut dein patebit, multa deduci possunt.

XXXI.

Terribilis iste terræmotus initium sumvit 1755. prima Novembris mane paululum ante decimam matutinam; ejus concussio fuit maxima Ulyssipone, quæ eodem, quantum nobis notum est tempore se extendebat per Lusitaniam, Hispaniam, Italiam, Galliam potissimum

maritimam ejus partem. Item per Angliam, Daniam, Sueciam & magnam partem Germaniae; tandem in Africam & Americam præcipue Septentrionalem penetravit. Quousque vero Oceanum pervagatus fit iste tam violentus motus, non constat. In annalibus ab initio mundi ad hæc usque tempora non refertur terræ motus, qui huic æquiparari possit, præcipue si illius extensio per Europam, Africam & Americam consideretur. Hæc generaliter tantum allata & relata adduxi; qua ratione vero & quanto furore diversas concusserit provincias, item quoties repetierit, & quamdiu duraverit, brevissime referam.

XXXII.

Terræ motus, qui Ulyssiponem conquassabat, ædificiis tam funestus erat, ut magna eorum pars humi jaœta, solo que æquata tristem lapidum acervum oculis offerret; alia vero eorum pars

concussionibus attrita rimas & fissuras tot contraxerat, ut ulteriori oneri ferendo, ni extemplo fulciretur, impar extiterit; unde proh dolor! factum est, ut tot hominum millia sub his ruinis sepulta jacuerint. Maris Tagique tanta fuit intumescentia & exundatio, ut ædificia, aliaque opulentissima mercium promptuaria pessumiverint. Quod vero adhuc supererat, orto incendio in cinderedes redigebatur; ex quo tam funesto eventu commerciis & mercationibus, præcipue Anglo opulentissimo emporio inæstimabile & irreparabile damnum allatum erat.

XXXIII.

Eadem sævitia, qua Ulyssiponem affligebat, terræ motus, furebat pariter in aliis Lusitaniæ urbibus, pagis, portubus, & fluminibus; eadem fere fuit ædificiorum conquassatio, attritio & ruina; hominum, armentorum strages; maris,

ris, fluviorumque violentus motus, & exundatio. Urbes, quibus multum damni allatum fuit, sunt, præter Ulyssiponem: Setubalia in Extremadura, cuius vix adhuc supereesse aliqua vestigia dicuntur, Irenopolis, Oportus Villa regalis, Conimbria, & aliæ plures. Præterea montes: Estrella, Arabido, Maruán, & mons Junius tanta conquassabantur violentia, ut aliqui eorum in diversas separarentur, & desilirent portiones; alii vero eorum plane subfiderent.

XXXIV.

Eadem tragœdia ludebatur in diversis Hispaniarum provinciis, ut Mantuae Carpetanorum, seu Madriti; ad fretum Herculeum seu Gaditanum, ad portum Gaditanum, item Hispali, Mallacæ, Coronii, & alibi, ut Compostellæ, in regno Galiciæ, ubi terræ motum comitabatur magnus strepitus & fragor. Præterea

terea mirabiles erant in prædictis locis æstus maris; nam intra horam sexies, in aliquibus locis etiam septies ad sex, & ulti pedes aquæ intumescebant & detumescebant, spumabant, & vortices formabant, ex quo dein non tantum ædificia, civitatum mumenta & viventia ipsa multum damni perpetiebantur.

XXXV.

In Gallia, præsertim ad oras maritimas fuit eadem clades & eadem strages, ut in aliis regionibus, de quibus jam diximus. Sed maximum damnum afferebat exundatio, uti aliorum fluminum, sed præ aliis, Rhodani, hujus enim in toto suo tractu diebus 29. & 30. Novemb. 1755, tanta fuit exuberantia, ut duodecim pedes superaret illam intumescenciam, quæ 1743. adjacentes terras devastabat. Ex quo quisque cognoscere poterit, mala, quæ omnes Rhodanum lambentes & adjacentes experiebantur pro-

vin-

vinciæ. Parisiis vero 30. Aprilis 1756.
hora nona vespertina sentiebatur terræ-
motus, qui plus terroris, quam damni
attulit. In Piccardia autem erant for-
tiores concussiones, & cum strepitu sub-
terraneo conjunctæ. Non procul hinc
exorta fuisse scaturigo fertur, ex qua
aqua magno impetu, & quasi bulliret,
scaturiebat.

XXXVI.

Eadem hujus terræ motus incommo-
da & damna persensit multis in locis Ita-
lia; etenim tam concussiones, quam ex-
undationes se manifestarunt Mediolani,
Bononiæ, Augustæ Taurinorum, Ve-
netiis & alibi, sed favente numine sine
notabili damno.

In Anglia præstat meminisse motu-
um maris, quam terræmotus, qui hic
loci vix sensibilis fuit.

XXXVII.

XXXVII.

Ast majore sunt memoria digna, illa, quæ multæ Germaniæ provinciæ ex hoc terræ motu perpeſſæ sunt damna, ſic non tantum Belgium, Helvetiam, ſed fere omnes provincias, quæ ad circulos, Rhenanum ſuperiorem & inferiorem, Westphalicum, Suevicum & Saxonum ſpectant, occupabat; aliquibus plus, aliis minus damni afferebat; quin imo & diversis temporibus concutiebat; nam terræ motus, qui 9. Decembris 1755. item 26. & 27. Januarii, item 18. Februarii 1756. furebat, ſe extendebat per Belgium, Helvetiam & circulos Rhenanos.

XXXVIII.

Isti terræ motus non erant funestitam ſuis concussionibus, quam exundationibus, quales non tantum in diversis fluminibus, ſed præcipue in mari germanico & Baltico, item in multis la-

cubus, præsertim Helveticis observabantur; nam lacus Bodanicus, Priganinus, Constantiensis, Bodamicus, Cellensis, Lausanensis, & alii mirum in modum exundabant, vicinasque regiones cum magno damno inundabant; hæc facta sunt prima Novembris 1755. item 9. Decembris ejusdem anni; aquæ enim lacuum æstuabant, quasi bullirent.

Idem observatum fuit in diversis Germaniæ fontibus medicatis, ut Spadano, in thermis Carolinis, sed præcipue Tœplicensibus, quarum scaturigo drepente evanescere, mox dein majore impetu, majore quantitate, & majore calore profluere videbatur; in quo casu aqua alias limpidissima, turbida, & flavo fusco colore tincta, propter majorem ocræ quantitatem apparebat, quæ dein successive clarescebat, & ad pristinum caloris gradum, si non majorem reducebatur.

XXXIX.

Sicco pede præterire non possum, effectus hujus horribilis terræmotus, qui in dissitis regionibus Africæ, & Americæ observabantur. Refertur enim, quod admiratione dignum, idem terræ motus eodem tempore, & fere eadem, si non majore violentia in Africa & America sœviisse.

Etenim in Africa, ut Tanger, Ceuta, Tetuani, & in regno Maroccano tanta fuit vis concussionum, ut non tantum multa ædificia, sed magnæ & nobiles urbes multum damni perpeſſæ fuerint. Exundationes maris vero dicuntur fuisse alias invisæ; nam ad 40. & 50. pedes intumuſſe fertur. Multæ scaturigines mox ficcabantur; sed mox & majore impetu reviviscebant. In America vero & præ aliis locis sensibilis erat in Barbados & Boston, ubi tantus fuisse fluxus & refluxus dicitur, ut intra aliquot horas
idem

idem repetierit. Hæc de horribili terræmotu annorum 1755. & 1756. fere generice dicta sufficient, si vero quis harum concussionum diarium exigat, tales remitto ad eruditissimos viros D. D. Krüger, Wagner, Bergholz, aliosque, qui data opera & magno labore distinetam & completam non tantum de terræmotu anni 1755. sed & de aliis, qui ab initio mundi ad hæc usque tempora globum terraueum concusserant, scripsierunt historiam.

Hunc memorabilem terræmotum sequebatur aliis longe minoris quidem momenti, verum tamen, quia Metropolim Viennam concusserat, non prætereundus.

Hic terræmotus ingruebat die 13. Augusti, 1760. sub vesperum, tertio quadrante ad septimam, in aliquibus locis magis, in aliis minus sensibilis. Hunc terræmotum præcesserat tempesta varialis, statio Mercurii in Barometro pa-

riter variabilis. Die sequente seu 14. Augusti mox post meridiem sequebantur pluviæ copiosissimæ, noctu vero cœlum valde rubebat occidentem versus.

Anno 1761. 31. Martii circa meridiem conquassaverat terræmotus oras præcipue maritimas Hispaniæ, Galliæ & Lusitaniæ, quinimo in Angliam usque sese extenderat. Verum nullibi plus damni ædificiis navibusque, quam Ulyssipone attulit.

S E C T I O I I.

De terræmotu in genere ejusque causis.

Omnis labor eorum, qui de terræmotu scribere conantur, debet præcipue in eo consistere, ut causas physicas

ficas adæquatas ejusdem adstruant, unde facile, omnia illius horrenda phœnomena explicari & exponi possint ; sed hic labor, hoc opus est, in quo plurimi desudarunt, sed perpauci id affecuti esse videntur. Nam multi eorum accusant quidem partes sulphureas, bituminosas, verum non exponunt, quomodo & quare istæ accendantur & in actum deducantur, ad hoc, ut tam horribiles globi terrauei convulsiones exinde deduci possint.

XL.

Alii vero partes nitrosas, &, nescio, quos pulveres pyreos in cavernis subterraneis delitescentes sibi imaginantur ; sed tales videntur veram naturam & originem nitri ignorare ; nam verum nitrum artis fere semper est opus, constat enim ex duplici principio, nimirum sale illo universali acido, alias primigenio & catholico dicto, quod in aëre ho-

spitatur, & ventus in ventre suo portat, & ex principio terreo, alcalino, sulphureo, quod matricem & basim constituit, & prædictum acidum, tanquam magnes in se trahit & imbibit.

Unde constat, ad naturam nitri non sufficere acidum catholicum, & terram alcalinam, ut opinatur Clariss. Krüger in physicis operibus Tom. I. pag. 294. sed requiri sal alcali fixum, quod est artis, non naturæ productum.

XLI.

Quare patet, quod illud nitrum, quod in muris antiquis, aut alibi forte invenitur, non pro naturali, sed potius artificiali habendum sit, quia illud sal alcali fixum calcis vivæ, aut cinerum clavellatorum, quo tale nitrum constat, non pro opere naturæ, sed artis habendum est.

XLII.

XLII.

Item patet, quod illud sal, quod ex certis aquis nitrofis per elixiviacionem separatur, verum nitrum dici non possit, quia neque in chrystrallos coit, neque flammarum concipit.

Falluntur igitur illi, qui in cavernis subterraneis verum nitrum reperiri autu-mant, sive una cum partibus sulphureis accensionem fieri, & terræmotum exinde exurgere asserunt; nam deinde ostendemus, ad accensionem ma-teriæ sulphureæ non necessarium esse ni-trum, quemadmodum talis accensio per modum fulguris in nostra atmosphæra fit absque omni nitro. Igitur, qui talia ter-ræmotus principia admittunt, falso sup-posito laborant.

Antequam vero adæquatas terræmo-tus causas constituamus, necessarium erit, ut talia, sine quibus ille neç concipi, nec intelligi potest, præmittamus.

XLIII.

Primo præsupponi debet , quod , quemadmodum dantur multæ cryptæ & cavitates subterraneæ , quæ aperto ore ad superficiem terræ se manifestant , (quales legi possunt apud Varenium & Kircherum) ita pariter admitti debeant aliæ cavitates subterraneæ sat profundæ , & sat amplæ , quæ raro hiante ore ad superficiem terræ nobis notæ sunt ; quarum aliquæ magis superficiales , aliæ vero valde profundæ , & quæ maximam partem per certos canales inter se communicant ; quia , nisi hoc admittatur , concipi non potest , quomodo 1631. incendium Vesuvii communicatum fuerit Semo Æthiopum monti ; uti habet inter alios Gafsendus in vita Peireschii .

XLIV.

Sed nihil magis tales subterraneas cavitates , earumque inter se per diversos canales communicationes evincit , quam illa

illa phœnomena, quæ in memorabili terræmotu 1755. prima Novembris observabantur; etenim, ut omnibus constat, eodem tempore in diversis Africæ, Americae & Europæ regionibus observabatur terræmotus; in aliis vero, ut in littoribus maris præcipue Balthici; in Bohemia circa thermas Carolinas, Teplienses observabantur diversi superius jam recensiti ejus effectus. Verum hæc nec intelligi, nec concipi possunt absque prædictis meatibus subterraneis in longum extensis & inter se communicantibus. Plura de cavitatibus subterraneis legi possunt apud Erud. Künium.

Quare exinde constat, quod quamvis a priori prædictas cavitates demonstrare non possimus, eo quod profundius uno milliari penetrare non liceat; a posteriori tamen, & ex effectibus evidenter tales dari evincantur.

XLV.

Secundo, quod præsuppositis talibus subterraneis cavitatibus debeant admitti diversa subterranea receptacula, quorum alia hydrophylacia, alia aëreophylacia, & alia pyrophylacia dici debeant; quod, ut clarius pateat, singula seorsim expōnere oportet. Woodbardus quidem in sua geographia physica in visceribus terræ admittit magnam quandam aquarum abyssum, per diversos canales cum mari, fluminibus, lacubus, & fontibus communicantem. Quamvis ex hoc systmate multa phœnomena naturæ egregie explicari possint, tamen particularis quidam alicujus regionis terræmotus vix exponi posset, quia, cum causa terræmotus in illa abyssō latere dicatur, deberet semper se per totam extendere abyssum, adeoque semper ad minimum medietatem globi terrauei tali convulsione afficere. Supersunt multa alia argumenta, quibus

Do-

Doctissim. Camerarius hoc systema Woodbardi infirmare conatur, quibus locus hic non est.

XLVI.

Si tamen plures tales subterraneas plus minus profundas, & per diversos canales inter se communicantes cavitates magnam abyssum vocare lubet, non laborabimus, ut assentiamur.

Unde spero, fore, ut quisque facile & libenter nobis concedat, quod aliquæ prædictarum cavitatum sint aut plenæ, aut semiplenæ aqua, quæ hydrophylacia dici possunt, in aliis vero adsit aër, quæ aëreophylacia audiunt; neque credo, aliquem esse, qui in hoc nobis difficultatem aliquam moveat, quorum existentia dein ex diversis phœnomenis clarius patebit.

XLVII.

Verum major posset esse difficultas de pyrophylaciis, ast nos hic per pyro-

phylacia non intelligimus ignes quodam centrales, ut aliqui autumant, sed calorem quendam subterraneum, qui in uno loco major, quam in altero obser-vatur, in quantum causa ejusdem materialis, de qua postea erit sermo, majore quantitate in uno, quam in alte-ro loco aggesta est.

XLVIII.

Multæ afferri solent rationes, quæ sententiam de ignibus centralibus infir-mant, nos in sequentibus acquiescimus: nimirum, quia sequeretur, quod talis calor seu ignis deberet æqualiter per terram esse diffusus, cum ab eodem de-penderet fonte, quod, ut mox diximus, est contra experientiam. Item sequere-tur, quod, quo profundius & proprius ad terræ centrum tenderemus, eo major deberet sentiri calor; quod pariter est contrarium observationibus & experimen-tis, a Clariss. Marfilii tum in mari, cum

in

in profundis fodinis captis, quæ apud eundem per extensum legi possunt.

Obvium autem argumentum, quo ignes centrales extinguntur, desumi potest ex diversis fontibus medicatis, quorum aliqui calidi, alii frigidi observantur, quod ab ignibus centralibus certe derivari non potest.

Quapropter quæri potest, si calor subterraneus ab igne centrali non dependet, qualis igitur illius causa assignari debeat? nam dici non potest, dependere a calore solis, quia calor solis ultra 12. pedes non penetrat, igitur ad aliam caussam confugere debemus, quæ, ut clarius pateat, sequentia bene observanda sunt.

XLIX.

Ex relationibus fossorum constat, in locis subterraneis fere ubique, in aliquibus tamen plus, in aliis minus de materia

ria sulphurea, bituminosa, martiali, sub pyritarum forma reperiri.

L.

Item certis observationibus constat, si terræ pyrite divites aëri expositæ mandefiant, quod statim incipient calere, æstuare, & latissime tam effuvia, quam odorem sulphureum spargere; quinimo si hoc in cubiculo, aliove loco clauso quis experiri velit, tunc tale cubile impletur tam magna effluviorum & halitum copia, ut, si candela accensa quis intrare vellet, mox accendantur halitus, & odor sulphureus se adhuc magis manifestet.

LI.

Ex his observationibus multa, quæ ad nostrum scopum pertinent, inferre & eruere possumus; ut primo, quod calorēm subterraneum magno cum fundamento a prædicta materia sulphurea, martiali humectata derivare possimus, quæ prout
in

in aliquo loco majore aut minore quantitate reperitur, major quoque, aut minor calor ibidem percipiatur. Ex quo pariter ratio patet, quare fodinarum fossores in aliquibus fodiinis suffocativum sentiant calorem. Item quare aliquæ aquæ minerales calidæ, aliæ vero minus calidæ profluant; etenim dum tales aquæ prædicta loca calore prædita præterlabuntur, debent necessario, non tantum eodem affici calore, verum etiam materia illa sulphurea martiali, & vaporoso illo principio, alias spiritu minerali dicto, imbui & saturari. Spiritus enim mineralis ex nostra opinione nihil aliud est, quam prædicta illa materia volatilis, quæ sub forma vaporum halituum, seu effluviorum a prædictis corporibus pyriticis fuscenscentibus elevatur. Iste spiritus non vindetur semper, & ubique ejusdem esse naturæ, sed differt prout diversa combinatur

tur mineralia, quæ una cum pyrite ca-
lent, & fervent. Unde videmus aliquas
minerales, ut Aquisgranenses, in Au-
stria thermas Badenses, plus de materia
sulphurea, alias vero, ut aquas Pyrmon-
tanæ, Spadanæ plus de martiali partici-
pare. Verum manum de tabula, nam
hæc potius scopum medicum, quam no-
strum attingunt.

LII.

Interim hoc hic præterire non possu-
mus, de quo etiam dein fiet mentio,
quod sæpe tales vaporess, seu halitus ca-
lidi ex visceribus ad superficiem terræ pe-
netrent, sicque in illo terrætractu aëra te-
pidum reddant, quod sæpe adulta jam
hieme & in regionib[us] frigidissimis con-
tingere observamus; ut ex tali tepore
derekente & glacies & nives solvantur,
sed tale phœnomenon non aliunde, quam
ex prædictis vaporibus ex visceribus ter-
ræ exhalantibus derivari potest; quia qui-
libet

libet observare potest , quod & nix & glacies in illa parte, quæ terræ est magis vicina & contigua, solvi , & regelare incipiat prius, quam alia , quæ est magis remota. Item experientia ostendit , quod prædictus tepor supervenire soleat absque omni vento sive australi , aut alio , & quod determinatum tractum terræ occupet , ita ut circum circa & gelu , & pristinum frigus teneat , & perseveret ; adeoque signum est , quod caussa prædicti teporis a nulla plaga derivari possit , secus enim deberet dici , quod a plaga v. g. meridionali usque ad prædictum tractum terræ , regelare omnia deberent ; itaque signum est evidentissimum , quod talis tepor ex visceribus terræ suam habeat originem.

LIII.

Unde necessarium esse , quisque intelliget , ut prædictæ exhalationes subterraneæ intime trutinentur , præcipue in quan-

quantum ad faciliorem terræmotus explanationem inserviunt ; nam ex jam dictis pro certo statuere possumus , in prædictis cavitatibus subterraneis duplicem dari materiam sulphuream , nimurum una est fixa , crassa , & bituminosa , quæ sub forma pyritarum cum majore aut minore quantitate ferri est conjuncta ; alia vero est materia sulphurea volatilis & valde mobilis , & facile inflammabilis , quæ suis carceribus tam facile coërceri non potest , sed a minima caussâ nunc ad unam , nunc ad aliam partem dirigitur.

LIV.

De prima materia sulphurea , crassa , aut si mavis dicere pyritica , nullus dubitabit , spero , quia alias quotidianis observationibus contradicere deberet , adeoque tota difficultas posset esse de materia sulphurea volatili , quæ etiam saepe cum exhalationibus mercurialibus aut arsenicalibus conjungitur , uti in fodinis

mer-

mercurialibus Hydriæ. Verum si consideremus, quæ superius diximus de materia sulphurea pyritica fervescente, facile intelligi poterit illa materia sulphurea volatilis; diximus autem, quod dum prædicta materia pyritica fervet, emitat diversos & copiosos vapores sulphureos volatiles, qui nihil aliud sunt, quam illa materia sulphurea volatilis & facile inflammabilis, de qua hic erat quæstio.

LV.

Sed nihil magis evincit prædictam materiam volatilem, quam fons ille in Lancastria, qui admota candela ignem concipit, tale quid est etiam apud Allobrogos, aliquot milliarium distantia ab urbe Gratianopoli.

LVI.

Nostrum assertum adhuc magis confirmatur, ex illis observationibus, quas Eruditissimus Ramazzini de petroleo montis Zibinii affert hoc modo: *In sum-*

mitate collis parva planities sedet, in cuius medio hiatus visitur crateris forma - - unde materia quædam bituminosa continuo sursum protruditur, ac ad modum pultis ebullit; interdum vero, impendentibus præcipue magnis temporum mutationibus: ex illo bia-
tu ingentes flammæ erumpunt una cum sa-
xorū, & cretaceæ materiæ projectione,
tanto quidem fragore, ut in ipsa civitate
interdum, noctu præsertim strepitus non se-
cus ac æneorum tormentorum exaudiatur.
Idem fere observatur in furentibus Vesu-
vio, Æthna, aliisque montibus ignivo-
mis; ex quibus omnibus non tantum ma-
teria sulphurea, bituminosa, crassa,
& volatilis, sed etiam ipsa materialis
caussa terræmotuum utcunque elucescit.

Ut vero causa adæquata omnium
terræmotuum eo clarus pateat, oportet
ad ea, quæ superius diximus, reflectere;
diximus autem in cavitatibus subterraneis
esse non tantum materiam sulphuream,

py-

pyriticam, sed & aëra & aquam; adeoque inquirere debemus, quomodo hæc pro caussa terræmotuum statui possint.

LVII.

Ex observatione & calculo Marioti in tractatu de aëre constat, quod aër in statu naturali consideratus se habeat ad rarefactum ut 1. ad 4000. Quinimo aër, qui in aqua continetur, potest ita rarefieri, ut sit tanquam 1. ad 4665600000. Vide Muschenbroeck tentam. experiment. Acad. del Cimento.

LVIII.

Quamvis jam ex his pateat, vim aëris rarefacti esse stupendam; tamen ex aliis observationibus scire oportet, istam adhuc magis & in immensum augeri; si una partes sulphureæ bituminosæ rafiant. Ut alia observata omittamus, considerare oportet tantum illa, quæ Clarris. Fried. Hoffmann. in suis observationibus physico-chymicis edition. Hall.

pag 308. adducit, quæ sane ad illu-
stranda illa, quæ terræmotum concer-
nunt, plurimum faciunt. Nam vide-
bit, quantos strepitus, quantas ruinas
materia sulphurea rarefacta excitare possit.

LIX.

Huc referri possunt illa, quæ mox
antea **LVI**. de petroleo montis Zibinii di-
ximus. Qui itaque vim tam aëris, quam
partium sulphurearum rarefactarum pe-
netraverit, facile concipiet illa, quæ in
terræmotu Siciliæ in Majo Anno 1537.
ejusd. 12. observata sunt; mons enim
Æthna incendio ita furebat, ut cineres
& favillæ usque ad Melitæ portum ejice-
rentur, qui portus 40. milliaribus a lit-
tore Siciliæ distat; ad alias vero ma-
ris partes ejiciebantur ad 200. leu-
cas, ita, ut naves, quæ Venetias
dirigebant iter, damnum exinde passæ
fuerint. Ita Varen. in Geographia ge-
nerali. Item anno 1631. tantus fuit su-

ror

ror Vesuvii in Campania ut cineres Constantinopolim usque projecti fuerint. Ita Julius Cæsar. Braccini l' incendio del Vesuvio.

LX.

Ex his itaque adhuc magis elucescit stupenda vis aëris, & partium sulphurearum, dum hæc rarefiunt, & inflammantur; unde pariter facile terræmotus ejusque phœnomena intelligi possunt, igitur superest tantum, ut ostendamus, quæ sit illa causa, quæ tam partes aëreas, quam sulphureas rarefaciat & inflammet; nam quamdiu in cavitatibus subterraneis aër est in æquilibrio, & quam diu partes sulphureæ non accenduntur prædicta stupenda rarefactio concipi non potest, neque terra quidquam exinde metuendum habet.

LXI.

Communis fert physicorum opinio montes ignivomos esse spiracula caloris, seu ignis subterranei. Item constans fuit

D 3 usque

usque ad hæc tempora observatio , dum montes flammivomi silent , observari ut plurimum magnos terræmotus , secus dum ardent. Vide Buff. p. 1. theorie de la terre, aliosque. Nam signum est prædictos vapores & halitus sulphureos in magnis illis cavitatibus subterraneis colligi & congregari , unde dupli ex cauſſa , nostra opinione , potest contingere , materiæ sulphureæ accensio.

LXII.

Primus modus , quo isti vapores volatiles sulphurei accendi possunt , est dum illi copiosius in unam cavernarum irruunt , tollunt æquilibrium aëris in tali caverna contenti ; unde fit ejusdem motus major semper & major , ex quo pariter contingit partium sulphurearum semper major & major motus , & attritus , ex tali aucto attritu partes sulphureæ facile flamnam concipere possunt.

LXIII.

LXIII.

Verumne hoc assertum alicui paradoxum videatur ad principia physica confugiat oportet, ibi enim docetur & ostenditur, quod ab attritu non tantum calor, sed etiam flamma facile excitari possit. Ut vero ad nostrum scopum similior videatur paritas; dic quæso, unde in nostra atmosphæra fiunt fulgura? Certe omnes saniores physici asserunt, talia dependere ab halibus & vaporibus sulphureis collectis, motis, & attritis; igitur ex eodem fundamento admittere debemus tales vapores sulphureos, intra cavitates subterraneas collectos; motos & attritos accendi & inflammari.

LXIV.

Iste est unus modus, quo halitus illi sulphurei inflammari possunt; alter vero & forsitan frequentior modus consistit in eo; si nimirum in prædictis cavernis contineatur magna quantitas materiae sul-

D 4 phu-

phureæ inflammabilis, sive talis ibidem
sit sub specie halituum, sive sub specie
materiæ crassioris sulphureæ martialis,
seu pyriticæ; et si in hoc casu hæc ma-
teria sulphurea & martialis, a superveni-
ente, & in talem cavernam irruente
principio aquo humectetur, quod vel a
superiore, aut lateralí hydrophylacio
fieri potest, tunc mox incipit tepere,
rarefieri & fervere, dein semper magis &
magis incalescere; dum hoc fit, tunc
aer contiguus pariter rarefit, hinc tollitur
ejusdem æquilibrium cum alio magis re-
moto, unde excitatur ejus impetuosus
motus seu ventus, uti patet in incendi-
is, quæ semper ventus comitari solet, quo
motu aeris ad instar flabelli aut ingentis
follis prædicta massa adhuc magis effer-
vescit & incalescit, ac tandem inflam-
matur. Accedit hic bene notandum,
quod calor aquæ non nisi ad gradum
212. ascendere possit; calor vero ma-

te-

teriæ oleofæ & sulphureæ gradum circiter 600. recipere valeat; ex quo quisque sibi imaginari poterit, quantus strepitus, quanta lucta oriatur, dum talia ad invicem miscentur.

LXV.

Iste est alter modus, quo ostenditur, uti dein probabitur materia sulphurea inflammari posse.

Dum itaque prædicta materia sulphurea & martialis in apertam flamمام erumpit, summa fit rarefactio non tantum illius materiæ sulphureæ sed etiam aëris intra cavernam conclusi, exinde latera cavitatis seu parietes talis cavernæ ita premuntur, & distenduntur, ut illa pars, quæ minus resistit, necessario cedere & diffungi debat, quod aut sursum, aut deorsum, aut ad latera ad alias cavernas adjacentes fieri potest **XLIV.** Si vero talis caverna, in qua accensio fit, per certos & angustos meatus cum aliis vicinis ca-

vernus communicet, sive dein isti canales sint patuli, sive obstructi, tunc contingere debet, ut prædicta materia inflamata & rarefacta magna vi & violentia per prædictos anfractuosos canales ad alias vicinas cavernas, qua data porta ruat; unde tota vis ad instar tormentorum bellicorum summo cum fragore in talem cavitatem derivatur, et si ibidem ad sint prædictæ causæ materiales **LVI.** recensitæ, fit ibidem eadem accensio, rarefactio, & reliqua, uti jam dictum est §. 59. & 60.

LXVI.

Quinimo cum prædicta materia sulphurea in subterraneis cavitatibus accenditur, possunt fieri fulgura tonitrua & fulmina; unde terræmotus magis horrendus, & funestus contingit; quæ omnia mox magis in aprico esse videbuntur.

Istam igitur tanquam veram omnium ingentium terræmotuum, sed præcipue illius, qui 1755. i. Novembris globum terra-

terraqueum infestabat, causam constitui-
mus. Duxi ingentium tantum terræmo-
tuum, quia leviorem, uti dein patebit,
aliam quoque posse esse causam determina-
bimus.

LXVII.

Ne vero prædicta perperam asserta
videantur, singula per partes probabi-
mus; & quidem primo, quod prædicta
materia sulphurea & martialis in cavitati-
bus subterraneis per admixtionem humo-
ris aquei calefiat, rarefiat, ac tandem
flammam concipiat; hoc quidem jam
constaret ex antecedentibus L. ubi di-
ximus, & ostendimus, calorem sub-
terraneum dependere a materia pyritica
seu sulphurea, & martiali humectata.
Verum, ut clarius hoc pateat, esto ex-
perimentum nunc temporis phycis no-
tum: Accipe, quantum placet v. g. ad
unum vel plures centenarios limaturæ
martis & sulphuris, hæc madefiant &
subigantur in massam; dein effodiatur in
ter-

terra sat profunda cavitas, huic cavitati imponatur prædicta massa, quæ terra aggesta tegatur. Hæc massa brevi incipiet tepere, calere, fumare, rarefieri terram aggestam elevare, & tandem intra 7. aut 8. horas cum notabili in vicinia terræmotu, & eructatione flammæ carceres disrumpere, flamma diutius perseverante, & ignivomum montem referente.

LXVIII.

Item experientia constat, quæcumque viridia in cumulum congesta & pressa, item sœnum in cumulum congestum & madefactum fumare, calere & tandem in flamمام erumpere: Ex quibus itaque patet, partes sulphureas ab aquo principio non tantum incalescere, sed etiam in apertam flamمام degenerare.

LXIX.

Scio quidem, multos Viros eruditos dubitare, quinimo negare, in locis sub-

subterraneis unde quaque occlusis flam-
mam subsistere posse. Verum, si memi-
nimus eorum, quæ superius LXVI. dixi-
mus, facile de veritate hujus asserti con-
vinci poterit quisque, nam in nostra at-
mosphæra pariter ab agitatione & venti-
latione aëris flamma, & conservatur &
augetur. Item experientia constat, quod in
profundissimis fodiinis, candelæ accen-
sæ conservari possint, si aër per folles,
aut per delapsum aquarum ventiletur;
igitur ex eodem fundamento admitti de-
bet, quod in cavitatibus subterraneis
flamma conservari possit, quamdiu aër
in iisdem uti superius dictum est, move-
tur & agitur. Hoc quidem admitti
potest, quod, dum talis aër ad quietem
& ad æquilibrium reducitur, flamma ex-
tinguatur, quæ vero si prædictæ LXIV.
causæ recurrent, iterato reaccendi poterit.

LXX.

Alterum vero, quod fulgura, tonitrua & fulmina concernit, juxta nostra principia non videtur pariter majoribus difficultatibus obnoxium; nam ex LII. patet, dein que evidentius patebit, quod omne ætherogeneum, quod nostræ atmosphæræ communicatur, prius jam extiterit in visceribus terræ; & quod illud exhalando, & evaporando cum aëre nostro misceatur. Itaque omnia illa principia, ex quibus in nostra atmosphæra fulgura, tonitrua & fulmina generantur, jam præextiterunt in visceribus terræ. Si igitur in visceribus seu cavernis terræ ita moveantur, combinentur & ad invicem atterantur, uti fit in nostra atmosphæra, poterunt pariter exinde fulgura, tonitrua & fulmina produci, uti hoc fieri videmus in atmosphæra.

LXXI.

LXXI.

Hoc adhuc clarius demonstratur ex observationibus in montibus ignivomis captis; antequam enim talis mons incipiat flamas vomere, sentitur ab accolis in locis subterraneis mugitus, fibillus, murmura, tandem horrendi fragores, ac si multa tormenta bellica exploderentur; qui non cessant, nisi dum flamma libere evomit, quod signum est, omnes illos meatus & cavitates jam esse pervias.

LXXII.

Accedit, quod saepe post ingentes terræmotus, sive alicubi terra dehiscat, sive non; & quidem in hieme in nostra atmosphæra excitentur fulgura, tonitrua & fulmina; hoc ipsum proh dolor! in terræmotu, qui 1755. diversas tenebat & affligebat provincias, saepe observatum est. Sic in illo terræmotu, qui 17. 21. 22. & 27. Decembris anno 1755. Compostellæ sentiebatur, sub terra audie-

die-



bantur horrendi fragores, ac si multa tormenta ænea exploderentur.

LXXIII.

Idem in aliis terræmotibus sæpe observatum & annotatum fuit; sic refert Bardinella Chronologia, quod anno M. 3630. V. C. 415. Macedoniam tam horribilis afflixerit terræmotus, quem infinita fulgura, tonitrua, fulmina comitabantur & sequebantur, ut videretur totus mundus disrumpi & cremari, quod sane non aliunde factum est, quam quod tales vapores sulphurei, & ignei magna copia & violentia ex visceribus terræ excussi, & expulsi fuerint; igitur ex iisdem vaporibus sulphureis in cavitatibus subterraneis contentis, motis & attritis pariter talia produci poterunt. Scio quidem, Clariss. Friedr. Hoffmannum in suis observationibus physico-chymicis, ubi agit de sulphure, non admittere, ex talibus exhalationibus, & evaporationibus

bus sulphureis generari fulgura, tonitrua, & fulmina; quia, ut ibidem afferit, partes sulphureæ nimium fixæ sunt, quam ut ex visceribus terræ evaporare, & exhalare possint; quapropter Clariss. ille vir substituit alias sulphureas, volatiles, nimirum vegetabilium exhalationes, ex quibus talia fieri afferit.

LXXIV.

Verum quamvis non eamus inficias, exhalationes pariter vegetabilium constituere saltem concaussam materialem fulgurum. Hoc tamen nostram non infringit sententiam, quia illæ ipsæ vegetabilium exhalationes jam prius in visceribus terræ continebantur, & a vegetabilibus hauriebantur.

Alterum vero, ubi Clariss. autor afferit, partes sulphureas in visceribus terræ nimium fixas esse, quam ut in auras exhalare possint, ex nostra sententia difficultatem non habet; quia jam supe-

rius §. 50. diximus pyrites humectatos exhalare sulphureum odorem. Item diximus, dari diversos in terra hiatus, materiam sulphuream exhalantes, quibus si candela accensa applicetur, mox accenditur. Præterea observatio omnibus nota est; in locis, ubi materia sulphurea exuberat, plurima fulgura, tonitrua, fulmina generari. Verum nihil clarius ad sensus, quam quod in terris sulphureis odor sulphureus fortiter nares feriat; qui certe non nisi a particulis sulphureis volatilioribus & e terra exhalantibus dependet. LXXV.

Usque nunc allatæ sunt cauſſæ, quæ quoſcunq; vehementes terræmotus comitari ſolent; nunc ſupereft, ut cauſſas antecedentes, prædisponentes, ſeu occionales terræmotus, qui 1755. diuerſas occupabat provincias, determinemus; verum hic labor, hoc opus, in quo quælibet ætas, quod laboret, inveſt;

niet ; nam exponere caussas tum prædipsonentes , cum concomitantes hujus horrendi terræmotus , qui uno quasi momento se ad 4000. milliarium extendebat , sane arduum , si non impossibile , videtur

LXXVI.

Interim ; ut Christiani philosophi summam Numinis providentiam adoramus & agnoscimus , a Deo , tanquam autore & conservatore omnium rerum has terræ convulsiones pariter dependere ; quia hic in omnes effectus naturæ tanquam caussa prima influit ; adeoque ab ipso dependet , ut prædictæ caussæ antecedentes , seu occasioales applicentur aut amoveantur ; cum istæ pariter ab illo regantur & dependeant , uti sacræ literæ nos docent .

Igitur certum est , hæc & similia sæpe in pœnam peccatorum nostrorum evenisse & etiamnum evenire .

Si autem, ut Physici in prædictas causas prædisponentes & occasioales moderni terræmotus inquirere velimus, debemus necessario mutationes temporum, seu tempestates, quæ præcesserant, examinare, unde spero, fore, ut aliquid saltem verisimile eruere possimus.

LXXVII.

Notum est anno 1754. per totam Hispaniam, uti & Portugalliam tempestatem siccissimam, & summam anonæ penuriam præexitisse, anno vero sequente 1755. successisse copiosissimas pluvias; quinimo jam in Octobri, quod in his provinciis omni tempore rarum, magnam nivium copiam decidisse, quibus dein 1. Novembris terribilis ille & omni ævo memorabilis terræmotus supervenit.

LXXVIII.

Si super illis, quæ nunc attulimus, ratiocinari licet, concludere debemus, quod, cum præcedenti siccissimæ tem-

pe-

pestati abundantes successerint pluviæ , pariter ex visceribus terræ copiosissimæ tunc fuerint exhalationes aqueæ , quia jam superius LXX. ostendimus , quod pluviæ dependeant a vaporibus aqueis ex terra in atmosphærā aëris elevatis ; cum vero jam in Octobri eodem anno copiosæ nives oppleverint terram , tunc a frigore externo derepente omnes pori & meatus corticis terræ constringebantur & occludebantur ; adeoque copiosissimi illi vapores aquei , qui alias exhalare debuissent , in visceribus , seu cavitatibus terræ congregabantur , qui dum cum materia sulphurea & martiali ibidem contenta miscerentur omnia illa , quæ LXV. diximus , cauſabantur ; nimirum factum est primo , ut dum tales vapores aquei in cavitatem irruerent , æquilibrium aëris ibidem contenti auferrent ; unde ille in motum concitari debuerit . Factum est secundo , ut prædicta illa materia sul-

phurea incalescere, effervescere, & raf-
fescere inceperit, ex quo aër præcipue
contiguus pariter magis semper & magis
rarefieri & moveri debuit, a quo aëris
motu materia sulphurea adhuc magis
commovebatur & atterabatur, magis
incalescebat, & rarefiebat, ac tandem
inflammabatur, a qua, uti superius osten-
dimus, summa tum aëris, cum materiae
sulphureæ rarefactione latera seu parietes
cavatatis semper pariter magis preme-
bantur & distendebantur, ut pars debi-
lior & minus resistens necessario defilire
& rumpi debuerit; quod in nostro casu
in pluribus locis illius cavitatis videtur
factum esse; nam vis illa vix non eo-
dem tempore se extendebat per totam
Hispaniam in Africam usque, item per
totam Portugalliam, partem Galliæ in
Americam. Ex quo patet, has cavi-
tates esse debere profundas & profundio-
res oceano; quia subter has maris aquas

præ-

prædicta vis ex Europa in Africam & Americam penetraverat.

LXXIX.

Superius jam dictum fuit, in profundis locis subterraneis dari plures cavitates, quæ per latera, seu parietes intermedios plus minus densos ab invicem separantur, aut quæ per certos meatus seu canales inter se communicant ; dum igitur prædicta vis rarefacta & inflammata sive per disruptos intermedios parietes, sive per canales intermedios, sive utroque modo in alias adjacentes cavitates irruit, debet ibidem necessario ingens terræmotus fieri, quia ista expansio fit adinstar fulguris & fulminis quasi instantanei & summo cum fragore ; nam dum prædicta vis rarefacta sua, quibus violente continetur, perrumpit claustra, & qua data porta in alias adjacentes irruit cavitates, tot & repetitæ fiunt impulsiones & refractiones in parietes ta-

lium cavitatum, ut isti necessario contremiscant; iste impulsus renovatur saepius, quia praedicta materia saepius inflammatur, ex supra jam allatis caussis, unde fiunt fulgura, tonitrua & fulmina; hinc factum est, & etiam fit, ut saepius & repetitis vicibus concussa fuerit terra cum ingente murmure, sibillo & fragore; nam superius jam ostendimus, quod interclusus & motus aer majores & plures patiatur refractiones & impulsiones; sic ex hoc fundamento dicit Retrodorus Chius, uti videre est apud Senecam, quod vox in dolio cantantis intendatur. Idem videmus contingere in certis antris, ad quae si lapis projiciatur, fiunt ingentes fragores & tumultus; quae omnia certe non aliunde, nisi a praedictis repetitis refractionibus & allisionibus dependent; & eo magis augentur, si illa vis non tantum ab aere, sed etiam a particulis sulphureis rarefactis, & inflam-

ma-

matis dependeat; uti hoc contigit in nostro terræmotu. **LXXX.**

Hæc terribilis tragœdia tam diu repetit, donec prædicta materia sulphurea deflagraverit, aut per certa spiracula, seu montes ignivomos expiraverit; etenim experientia edocuit, quod furentibus Vulcaniis montibus terræmotus fileant. Tempore, quo 1755. & 1756. terræmotus furebat, aliquoties quidem factum est, ut Æthna & Vesuvius fumare & furere inceperint, sed tali impetu alio verso mox filebant.

LXXXI.

Hoc quidem verum est, quod in tali terræmotu multum de prædicta materia sulphurea volatili per terram porosam in aëra atmosphæricum transpiret; quod præcipue in prædicto terræmotu factum erat, totamque hyemem obtinebat. Et enim notum est hyemem 1755. & 1756. fuisse temperatissimam & fere veri similem;

item vix credo, observatam fuisse hyemem, in qua tot meteoreta ignea, tot fulgura, tonitrua & fulmina visa fuerint, quam per prædictæ hyemis decursum.

LXXXII.

Pariter ex relationibus habemus, quod in fodinis præcipue Saxonice hoc tempore talis suffocans calor observatus fuerit, ut operarios a labore solito arceret. Verum hæc omnia infallibile nobis exhibent argumentum asserendi prædictam sulphuream materiam fuisse hujus terræmotus causam, cum negari non possit, eandem in visceribus terræ, antequam exhalaret, præextitisse.

LXXXIII.

Hactenus demonstratum est, causam terræmotuum principem esse, aut illam materiam crassam sulphuream, pyriticam, aut subtiliorem volatilem sulphuream, aut etiam utramque simul, quæ accensa adinstar fulgoris uno quasi momento ad vastissima & remotissima se

extendere potest loca. Interim in hac subsistere non possumus, sed admittere debemus, dari etiam alias terræmotuum saltem leviorum caussas, in quibus nulla prædictæ materiei sulphureæ accensio intercurrit; ne vero hæc perperam dicta videantur, considerare debemus ea, quæ in superficie terræ contingere solent. Numquid constat, ingentes saxorum moles a rupibus sæpe separari absque manifesta caussa? quinimo integros montes infirmis factis eorum columnis & fornicibus apud Plinium Lib. 2. C. 91. aliosque autores consedisse, & se ipsos absorbuisse leges? Item vastissima ædifica injuria & edacitate temporum labefactari, ac tandem, cum hæc plus ponderis, quam virium habuerint, corrue-re, omnes norunt.

Dum enim hæc & similia magnæ molis cadunt, terram ita quassant, ut omnia, quæ in vicinia sunt, una con-

tre-

tremiscant ; talia quoque intra viscera terræ contingere sæpe , quis negabit ? Si enim dantur , uti jam probatum est , amplissimæ , & vastissimæ subterraneæ cavernæ , quæ habeant diversos anfractus , diversas circumgirationes , diversas columnas , fornices , quibus tanquam fulcris ingentes terræ moles sustentantur , utique facile fieri potest , quinimo sæpe fit , ut talia sustentacula jacturam temporum patiantur , ab influentibus aut a præterfluentibus aquis subterraneis solvantur , abradantur , aut ab aëre , aut a spiritu illo catholico exedantur , & debilitentur , imparesque fiant tanto feroendo ponderi ; in tali enim casu ingens terræ moles suis destituta fulcris præceps ibit , cuius impetus eo major erit , quo major moles , & quo profundior casus ; quo tempore terra tremere & concuti debet ; in tali enim statu fit tam impetuofus aëris intra cavernam motus , ejus-

que

que magna ad parietes columnæ allisio & repetita reflexio ; qualis in superficie terræ nunquam fieri potest. Hoc videsmus in aliquibus profundis puteis & cavernis , quæ aperto ore ad superficiem terræ hiant , si lapillus in talem cavernam dejiciatur , tunc fit magnus strepitus & fragor ; uti refert Eruditissimus Verulamius in historia ventorum : sunt quidam putei in Dalmatia & regione Ceranaica , in quibus , si dejiciatur lapis , excitantur tempestates.

LXXXIV.

Terræmotus ab ista caussa excitatus , arctos intra limites , continebitur , nam vix ad unum alterumve milliare fere extendet.

LXXXV.

Verum alia , quæ forte frequenter , quæ magis funesta esse solet , adstrui potest terræmotus caussa , quæ sine accensione alicujus materiae sulphureæ terræ-

mo-

motum excitare potest, & hæc ad flatum ,
seu ventum subterraneum reduci, & hac ra-
tione comprehendi debet. Ad hoc vero, ut
istud assertum clarius exponatur & facili-
us intelligatur, præmittenda , & de verbo
ad verbum adducenda est notabilis il-
la observatio, quæ in Actis Anglicanis
edit. Lips. p. 387. habetur. „ Quando
„ in profunda fodina occurrit magna co-
„ pia aquæ stagnantis hiemalis , solere
„ operarios aditum parare , qua deri-
„ vent aquam illam: sed simul ac ad
„ illum Horizontis parallelismum perva-
„ tum fuerit, ut aqua incipiat devolvi,
„ in locum tutum operarios se ex aditu ,
„ quam primum possint recipere, ne in
„ frustra comminuantur ad latera aditus:
„ inclusum enim aërem seu ventum in
„ aqua stagnante fragore adeo horribili
„ erumpere, ut crederes, displodi tor-
„ mentum, tantaque violentia, ut omnia
„ secum rapiat, ipsas dissolvendo rupes, vel
„ ali-

„ aliquam multum distantes in opere seu
„ aditu. **LXXXVI.**

Superius jam diximus, aërem, qui in cavitatibus subterraneis continetur, esse in statu violento, et si immotus sit, in æquilibrio; si vero contingat, ut ex aliqua parte talis cavernæ aqua irruat, aut vapores aquei in guttas condensati ad illam ferantur, tunc necessario in tali aère tollitur æquilibrium (quod etiam fieri videntur in nostra atmosphæra) igitur aér, qui prius quietus erat, commovetur, & pro diversa amplitudine talis cavernæ nunc magis, nunc minus ad ejusdem parietes allidit, & refringitur, sicque ventus excitatur; qui dum per angustos & anfractuosos canales ab una caverna ad aliam transit, non tantum sibilum, mugitum, sed etiam magnum fragorem excitare potest; uti jam paulo ante de lapillis in puteum, aut cavernam injectis dictum est. Ex qua impetuosa ad parietes alli-

siq-

sione, & exinde subsequente fragore terræmotus excitari potest.

LXXXVII.

Accedit, quod, dum ventus in parietes cavernæ allidit & impellitur, facile contingat, ut aliquam terræ molem minus cohærentem, & resistentem a loco suo dismoveat, & ad fundum cavernæ præcipitet; in quo casu dum duæ tales cauſſæ concurrunt, fortior & sensibilior etiam terræmotus continget, qui aliquoties repetere, & sat diu perdurare potest, donec aër subterraneus se ad æquilibrium componat.

LXXXVIII.

Si talis caverna, in qua prædictus excitatur ventus non multum a superficie terræ distet, tunc fieri potest, ut ab illo fragore & impetu superior pars, tanquam minus resistens rumpatur, & terra laxata dehiscat, aut subsidat; unde observamus, quod per terræmotus

fæ-

fæpe aperiatur absque eo , quod fumus aut flamma exeat ; quod certe fieri non posset , si omnis terræmotus ab accensione superius expositæ materiæ fulphureæ dependeret.

Quare vides Benevole Lector , quod ad aliquam ex jam adductis cauſſam quilibet terræmotus reduci , & exinde tanquam fonte omnia ejus phœnomena explicari possint . Quare fit

S E C T I O III.

De præcipuis terræmotus phœnomenis , item de fontium , conchyliorum , aestuum , ventorum & aliorum , quæ ex nostra ſequuntur ſententia , origine , cauſis & effectibus.

LXXXIX.

Sic phœnomenon , quod in diversis aliis , ſed præcipue in terræmotu

1. Novembris 1755. observabatur, vix aliunde, quam ex nostra sententia deduci poterit, erat autem tale: nimirum, uti jam ex §. XXXIX. patet, quod vis illa ex Portugallia se extendebat, in Africam & Americam, & magnam Europæ partem eadem die & eodem fere tempore pervagaverit; hæc fere momentanee ad 4000. milliarium in distans se extendens & expandens actio sane non aliter concipi nec exponi potest, quam quod prædicta §. LXIV. materia sulphurea volatilis inflammata, & accensa adinstar fulguris, & materiæ electricæ ad talem distantiam suam exercerit vim. Etenim repetitis experimentis jam evictum est, materiam fulguris esse materiam electricam, & materiam electricam ad indefinitam fere distantiam quasi momentanee, & instantanea suam exercere vim. Unde sapientissime Eruditissimus D. Krüger ad hanc materiam ele-

electricam ad explicanda phœnomena terræmotus respexit. Alterum phœnomenon multo majore admiratione dignum, quod §. XXXIV. jam expositum habetur, consistit in eo: Nimirum 1. Novembris 1755. item 18. & 19. ejusdem mensis, uti etiam 9. Decembris ejusdem anni observabantur diversa maria, flumina, diversi fontes & lacus repetitis & alternis vicibus nunc intumescere, mox iterum detumescere, ita, ut mare in diversis locis sexies intra horam increverit & decreverit; sic fons medicatus Teplensis in Bohemia sexies pariter intra horam increverat & decreverat.

XC.

Hoc mirabile in natura phœnomenon non aliam, quam ex nostra sententia deductam explanationem admittit; nam si meminerimus eorum, quæ §. XXXI. dicta sunt, & quæ in actuali terræmotu concurrunt, palam erit, quod in cavi-

F 2 tati-

tatibus subterraneis debeat fieri tam aëris,
quam partium sulphurearum præcipue vo-
latilium immanis rarefactio, a qua rare-
factione aqua in his cavitatibus contenta
ita premitur, ut necessario per meatus,
& canales subterraneos tam ad mare,
quam ad fontes, flumina & lacus, cum
quibus, ut diximus, §. XLV. commu-
nicat, propelli, & extrudi debeat; et
enim jam ostendimus, in locis subterra-
neis, etiam profundissimis, dari magna
hydrophylacia, quæ per diversos cana-
les, uti ipse Clarissimus Woodbardus sta-
tuit, cum mari, fontibus, & lacubus
communicant; si itaque aqua in prædictis
cavitatibus ita premitur, facile fit, ut
ad loca, cum quibus communicat, ex-
primatur. Si igitur in illis cavitatibus
fiat alternativa pressio aquarum, uti jam
ostendimus, fieri posse, si nimirum fiat
ibidem alternativa accensio, & fulgura-
tio, tunc debet pariter sequi alternativa

in-

intumescentia & detumescentia; nam si-
cut dum aquæ in suis hydrophylaciis a
prædicta rarefactione premuntur, expri-
mi debent, v. g. ad mare, quod exinde
intumescit, ita dum prædicta rarefactio,
& pressio remittit, aquæ ad abyssum,
ex qua prodierunt, revertuntur, unde
fit detumescentia.

Ex quo pariter constat, ut dein di-
cemus, quam facile omnes difficultates de
diluvio universali exinde salvari possint.

XCI.

Hoc quidem verum est, quod illa
intumescentia, quæ ad littora maris ob-
servatur, diu in tali statu perseverare
non possit, eo, quod aquæ paulo post
se ad æquilibrium cum aliis contiguis re-
ducere debeant. Dum vero talis aqua
magna mole & magno impetu ex suo
gurgite truditur ad mare, facile fit, ut
in vicinia hujus gurgitis aqua marina tu-
meat, quin adhuc increscat alia aqua

marina magis remota. Talis casus legitur: Histoire de l' Academie Royale, anno 1725. Scilicet in Normania ad portum villæ flaminiae 13. Julii mare ad 10. pedes increverat, quin hoc in vicinis locis, ut Cherburgi, Cartereti, aut Rozeliis observatum fuerit.

XCII.

Item facile concipi potest, quare aliqui fontes ex terræmotu obliterentur, & alii novi profiliant, quia illa ipsa vis tantam terræ molem in certos fontium canales intrudere potest, ut exinde obstruantur; & illa ipsa vis poterit alios per terram minus cohærentem, & resistentem canales novos sibi præparare, sicque aquam illuc derivare, atque novos fontes excitare.

XCIII.

Verum ne mirum, aut forte impossibile alicui appareat, tantam molem aquarum a prædicta rarefactione exprimi,

&

& ad circumferentiam terræ propelli posse, attendat illa, quæ superius diximus de vi tam aëris, quam partium sulphurearum rarefactarum, sed præcipue ad illa, quæ de Vesuvio ardente & furente allata sunt; sic enim spero, fore, ut facile vietas præbeas manus. Nam ex his patet, rarefactione aëris, & partium sulphurearum, quæ in cavitatibus Vesuvii sit, magnam copiam faxorum, metallorum, aliarumque rerum ita longe rejici, ut cineres ad portum Melitæ Venetias, quinimo Constantinopolim usque pervenerint. Igitur adhuc facilius videtur fieri posse, ut aqua ex suis hydrophylaciis a prædicta rarefactione ad superficiem terræ pellatur; nam si omnes terribilis terræmotus 1755. effectus consideramus, facta comparatione cum illis, qui ex Vesuvio ardente, & furente fiunt, videbimus, quod vis rarefactionis in nostro casu statui debeat esse multo major, quam illa,

quæ est, dum Vesuvius ardet, & furit; ista enim se tantum ad vicina loca extendit, cum alia tertiam orbis terrauei partem occuparit.

XCIV.

Hinc patet quoque ratio, quare illo tempore, quo prædicta aquarum intumescentia observabatur, in diversis locis, tam in mari, quam in lacubus, aqua quasi bulliret, & in varios moveretur vortices, apparebat, quod phœnomenon sine dubio ab aqua ex profundis hydrophylaciis magno impetu proruentे, derivari debet; hoc ipsum videre est in mirabili illa Norwegiæ charybdi, quæ per 6. horas aquas marinas quam avidissime haurit, & absorbet, per alias vero 6. horas summo impetu evomit; in quo casu aquæ quasi in montem assurgere, & bullire videntur. Ex qua observatione evidentissime patet, quod tam intumescentia, quam ebullitio aquarum,

quæ

quæ in terræmotu observantur, ab aquis ex abyssو, seu cavitatibus subterraneis impetuose irruentibus dependeant.

XCV.

Patet exinde pariter ratio, quare diversa flumina, ut Rhodanus, Viadrus, aliaque exundarint, & tumuerint tempore alias pacatissimo & sereno, ut proh dolor! vicina loca tantum exinde detrimenti ceperint. Hoc quoque ex dupli- ci cauissa evenisse videtur, partim, quia mare vicinum, in quod alias talia flumi- na se exonerare consueverunt, ita tumue- rat & increverat, ut hæc in illud se ex- onerare non possent, & partim, quia a tergo seu ex scaturigine ipsis major aqua- rum moles accedebat, unde dein necessa- rio exundare & omnes adjacentes terras labefactare debebant.

XCVI.

Ex hac alternativa intumescentia, & de- tumescentia multa alias in natura ignota in-

ferri possunt, ut primo, quod hæc considerari posse tanquam æstus maris insolitus, & irregularis, eo, quod caussa hujus fuerit extraordinaria, quæ aquas ex visceribus terræ expresserat, uti jam probatum est.

Jam si supponamus, quod æstus maris irregularis fiat absque lunæ actione, sive illa dicatur pressio, sive attractio, sive materiæ gravificæ interceptio; tunc possumus, quinimo debemus omni cum fundamento etiam admittere, quod æstus soliti, & regulares fiant pariter sine aliqua actione lunæ; adeoque quod luna, quæ ab omnibus vix non philosophis pro causa æstus marini accusatur, plane indifferenter se hac in re habere videatur. Hoc systema tanquam novum A. R. P. Kell, Vir Doctissimus adoptavit, & ad ejusdem confirmationem singulari industria quam plurimas collegit observationes, quæ insuis celeberrimis operibus philosophicis videri possunt.

XCVII.

Ast vix meo judicio melior & effi-
caciō adferri potest observatio , quæ hoc
systema magis firmet , quam illa , quæ
hoc tempore terræmotus observata sunt ,
tum in mari , cum in lacubus ; nam si mare ad
littora , item lacus assurgere , elevari , seu
intumescere & detumescere possunt , quod
idem est , ac æstuare , eo , quod aquæ
ex hydrophylaciis subterraneis per cer-
tos canales seu voragine cum mari & la-
cubus communicantes irruant , tunc ista
intumescentia fiet , quoties caussa aderit ,
propter quam aqua ex prædictis hydro-
phylaciis communicetur mari . Quæ ve-
ro possit esse caussa , propter quam aqua
ex prædictis hydrophylaciis bis , aut se-
mel de die influat in mare , unde illud
intumescat , iterumque refluat , unde
mare detumescat ; omnino difficile est de-
terminatu ; & revera tota difficultas hu-

jus

jus systematis in determinanda & assignanda tali caussa versatur.

XCVIII.

Interim si consideremus præcipua duo naturæ phœnomena, hoc facilius concipi poterit: & quidem primum, quod terra quotidie circa suum axem giretur; item, quod atmosphæra non ubique æqualiter globum terraqueum premat, sed, uti celeberrimorum autorum observata docent, hæc pressio versus polos semper magis augeatur; versus æquatorem vero, & sub eodem, minuatur; quod patet a ponderatione gravium, & oscillatione pendulorum; & sane hæc unica est ratio, quare sub æquatore, & in ejus vicinia æstus majores, & magis regulares observentur; circa polos vero, & sub illis nullus fit diurnus æstus, aut saltem minor. Si igitur hæc considerentur, facile concipi potest, quod sub diversa, & regulari, quæ quotidie fit,

cir-

circumgiratione globi terrauei, & diversa ac inæquali pressione aquæ marinæ nunc accrescant, nunc decrescant; prout necesse est, ut inter aquas subterraneas, & marinas æquilibrium servetur. Quamdiu enim aquæ marinæ cum illis, quæ sunt in illa magna abyfso, æquilibrium servant, nullus erit æstus, si vero in una alterave parte tale æquilibrium dematur, ibi, ubi tale deest, debet fieri æstus, ast tale æquilibrium facile & fere regulariter quotidie tollitur; quia jam diximus, quod pressio aquæ marinæ sit major versus polos, minor circa æquatoriem, unde si consideremus ex facta hypothesi, quod terra moveatur, facile concipiemus, tale æquilibrium tolli debere. Doleo, quod præfatus Clarissimus Autor cauſsam istam nec attigerit, multo minus explanarit; doleo pariter, mihi satis temporis derogari, ad hujus ſufficientem investigationem, quæ cura maneat alios.

XCIX.

Interim ex his , quæ compendiose attuli , patet , caussam faltem materialē hujus recursus æstuum , sive sint regulares , sive irregulares , intra viscera terræ , & non extra illam , ut in luna , latere ; neque enim obest illud argumentum , in quo adversarii totam vim ponunt , quod nimirum æstus regulares videantur motum lunæ sequi , & quotidie bis intra 24. horas & 48. minuta uti dies lunaris , absolvī . Item cum luna quotidie 48. tardius oriatur , idem contingat etiam in æstu maris . Verum jam superius dictum est æstus regulares eodem modo contingere , ut irregulares ; sed quis dicet , quod æstus maris & lacuum , qui i. Novembris Anni 1755. sexies intra unam alteramve horam contingit a luna dependere possit . Igitur si cut hoc in casu diximus aquas marinas , & lacuum incrementum adscivisse ab a
quis

quis subterraneis irruentibus, decremen-
tum vero ab iisdem recendentibus, ita
etiam omnes æstus regulares eadem ratio-
ne contingere debere.

C.

Tales æstus maris insoliti sæpe ob-
servantur, sed notatu dignus est ille,
quem refert Dom. Newhouse supplem.
act. Lips. Tom. 1. anno nimirum 1669.
mare intra tres horas circa Weymutum
septies affluxit & refluxit; idem pariter
contigit in Tamesi anno 1656. 3. Oct.
item anno 1749. 13. Julii hora 11.
matutina mare alias pacatissimum in Co-
mitatu Pembrokeshire intra 1. horam se-
pties æstum passum erat.

CI.

Item naturæ scrutatoribus noti sunt
diversi Euripi, qui æstum patiuntur abs-
que aliqua actione lunæ; sic nota est illa
mirabilis Charybdis in Norwegia, Mel-
stroom dicta, cujus ambitus ad 13. fere

mil-

millaria se extendit. Dum enim Oceanus refluxum patitur tanta copia per sex horas haurit aquas marinas, aut quidquid five naves, five Balanæ prædictum voraginis ambitum attigerit una hauriatur, & præceps in barathrum detrudatur; per alias vero sex horas, dum Oceanus affluxum patitur, eadem vi, qua prius absorbserat, aquas una cum diversis rebus haustis evomit, ita, ut aquæ ibidem quasi ebullire & in montes assurgere videantur, & hoc fit absque illa actione lunæ.

Ex his fane clare patet, quod mare intumescat, quia aquæ ex cavitatibus subterraneis in idem impetuose ruunt, & detumescat, quia ab iisdem cavitatibus absorbentur.

CII.

Ad majorem hujus asserti confirmationem plura alia argumenta afferri possent de fluminibus & lacubus æstuantibus, de morbis,

ut febribus, insultibus epilepticis periodice & regulariter absque omni actione lunæ afflignantibus ; cum a nostro scopo aliena sint , libentissime præterimus & aliunde quam plurima eorum in elegan- tissimo opere A. R. P. Khell ; item in operibus Eruditissimi Kühnii videri pos- sunt. Interim hic unicum præterire non possum , quin meminerim , quod ad æstum maris , terræ elevationes, ejusque fissuras tempore terræmotus observatas , multum contribuere possit atmosphæra illo tempo- re , & in illo loco , ubi fuit terræmotus plerumque levior. Nam mercurius in barometro profundissimum solet obtinere locum. Unde dein fit , ut aqua & ter- ra tunc ab atmosphæra minus premantur , sicque facile elevari possint ; uti hoc & ex eadem cauissa videmus in Typhone , aquas marinas in columnas elevari.

Item ex sententia de terræmotu , quam superius adduximus , clarius , quam

unquam patet origo fontium & fluminum , de qua tam hoc , quam superiore sæculo Clarissimi Viri tam multa tamque contraria nobis communicarunt.

CIV.

Duæ principes a Clarissimis Philosophis hac de re foventur sententiæ , quarum una omnes fontes , fluvios & lacus a pluviis & solutis nivibus derivat ; altera vero fontes & præcipue perennes a mari dederit . Verum si ea , quæ in nostra superius allata & exposita sententia occur- runt , examinentur & in memoriam redu- cantur , palam erit , omnes fontes peren- nes ex subterraneis profundissimis , aqua- rum abyssis originem ducere ; nam superius jam ostendimus istas aquas sub- terraneas per diversos canales , meatus , quin etiam per terram porosam cum ma- ri , fontibus & lacubus communicare ; quia si tales aquæ in suis cavitatibus subterra- neis ab aliqua caufsa premantur , uti

con-

contigit in terræmotu 1. Novembris anni 1755. tunc ad superficiem terræ extruduntur, & tam mare, quam fontes & lacus exinde augmentur & intumescunt. Igitur dupli modo prædictæ aquæ subterraneæ ad fontes derivari possunt; vel enim in propria substantia per communicantes canales, uti jam diximus, vel evaporando versus terræ superficiem, qui vapores, dum in aliquo cavo subterraneo conveniunt, qualia cava præcipue circa montes observantur, primo guttas, dein rivulos, tandem diversa in prædictis cavis hydrophylacia constituunt, ex quibus dein fontes originem habent, talia igitur hydrophylacia superficie terræ vicina cum aliis profundioribus & majoribus hydrophylaciis, seu aquarum abyssis communicant, &, uti jam expositum est, conjunguntur dupli modo, nimirum per meatus & canales, quod jam sufficienter probatum

est; igitur dubitare aliquis potest de vaporibus ex profundo, & quasi centro globi terrauei ad superficiem terræ ascendentibus, quorum magna pars in auras rapitur, & materiem pro pluviis aut nivibus subministrat, alia vero horum vaporum pars in diversis cavis in guttas condensatur, & ibidem prædicta hydrophylacia constituit; verum, si aliquis sequentes, certas & fere unicuique notas observationes rite examinarit, facile in nostram abibit sententiam. Nam 1. in profundis fodinis, antequam in nostra atmosphæra pluat, experiuntur fossores suffocantem calorem, copiosissimos vapores, qui lateribus talium cavitatum adhærentes magnas guttas, & quasi pluviam constituunt; quinimo rivuli quidam ex talibus fodinarum parietibus horizontaliter in cavitatem sæpe tam copiose depluunt, ut operarios a labore arceant. Sæpe etiam contingit, ut cum prædictis

va-

vaporibus exhalationes sulphureæ conjugantur, quæ ab accensis candelis, aut facibus summo cum fragore & operiorum strage inflammantur & desflagrant.

CV.

Dum prædicti vapores in fodinis observantur, periti & experti fossores prædicere possunt non tantum pluvias, sed etiam quam diu tales duraturæ sint, determinant. Qui vero hos vapores tanquam pluviaæ prænuncios nolle admittere, experiri poterit magno cum sui nasi incommodo in latrinis; quin imo observationes docent, quod in profundis Sueciæ fodinis sæpe pluat, cœlo existente sereno. Vide Voiage au Nord par Mr. Outhier.

CVI.

Ex hac tanquam principe observatione sequuntur plures aliæ pariter certæ & aliunde notæ, quæ prioris effectus merito dici possunt: nam dum prædictæ evaporationes ex visceribus terræ ad su-

perficiem ejusdem fiunt, turbantur diversi lacus & fontes, quorum aquæ non ita sapiunt; mare ipsum sine aliquo ventorum impulsu movetur, & quasi bullire videtur, quinimo calidius redditur, & magis evaporat, hinc contingit, ut tali tempore pisces ad ejusdem superficiem profiliant, quasi auram pro refrigerio capturi. Item quandoque in mari nocturno tempore flamma & scintillæ conspicuntur, montes nebulis operiuntur, Vulcanii vero copiosos & densos vapores & fumos exhalant; præterea alia, quæ vix non in omnibus corporibus solidis, ut lapidibus præcipue marmoribus & ferro observantur, quæ omnia, dum imminet pluvia, humida apparent.

CVII.

Cum itaque omnia hæc observentur, ut dictum est, antequam pluat, evidenter inferri potest, quod maximam partem tam pluvia, quam multorum

fon-

fontium origo a prædicta evaporatione
dependeat; nam pars talium vaporum
penetrat superficiem & crustam globi ter-
raquei, atque in auras elevatur, unde
pluviæ dependent; pars vero in diversis
cavitatibus non procul a superficie terræ
in guttas condensatur, ibique accumula-
tur, & prædicta superficialia hydrophyla-
cia constituit, ex quibus plerique fontes
originem ducunt.

CVIII.

Neque verisimile videtur, pluvias
a ventis vapores afferentibus semper de-
pendere, quia juxta Verulamium venti
non longe extenduntur, & quia sine ven-
tis ingruunt: Item ipse ventus ex visce-
ribus terræ originem dicit. Vide Act.
philos. soc. Ang. p. 387. Item Veru-
lamium de ventis.

CIX.

Hoc quidem facile admittere possu-
mus, quod tam ex pluviis, quam ex

solutis nivibus aliqua portio aquarum per terram porosam, per rimas, aut fissuras se aliquibus magis superficialibus hydrophylaciis insinuare possit, unde talia magis turgeant. Verum hoc non infringit nostram sententiam, quia exinde concludi non potest, quod talis aqua det fontibus & fluminibus originem, sed quod ipsorum molam & volumen augeat; unde etiam fit, ut ista aquarum exuberantia brevissime duret, & una quasi cum pluviis esse definat, & dein flumina se mox ad pristinam & consuetam extensionem reducant.

CX.

Dixi, quod aqua pluviarum ad aliqua tantum, & magis superficialia hydrophylacia penetreret; nam si conditio terrae nimis lapideæ aut argillaceæ hoc impedit, aut si talia hydrophylacia nimis profunde delitescant, tunc aqua pluvia & solutarum nivium ad talia penetrare non

non potest, quia de la Hire & multi
alii Clarissimi Viri repetitis experimen-
tis observarunt, quod aquæ pluviae ul-
tra duos pedes penetrare non possint.
Neque enim effugium adversariorum ali-
quam habet vim, dum respondent, quod
aliter se res habeat circa montes eorum-
que radices, sed nostra opinione crede-
rem, contrarium obtinere debere, nam
si aqua pluvia in plano horizontali, in
quo diutius quiescit, ultra duos pedes
penetrare non potest, neque etiam tam
avide a terra hauriatur, ut videmus in
cloacis diu perseverantibus; multo mi-
nus penetrabit in montibus, aut circa
eorum radices, & juga, quæ sunt tan-
quam plana inclinata, ubi aqua pluvia
partim sua gravitate, partim ab alia
aqua ex monte decidua magna violentia
& celeritate ultro abripitur.

CXI.

Quare ex hoc fundamento , per se corruit illud argumentum , in quo Clarissim. Vallisnerius , aliique tantum fiduciæ ponunt , dum dicunt , obvia experientia constare , quod deficientibus pluviis deficiant fontes & flumina ; supervenientibus autem pluviis hæc quasi renascantur. Unde concludi potest , fontes & flumina originem habere ab aqua pluvia.

CXII.

Ast ex illis , quæ superius diximus aliud clarissime eruitur ; nam si tam pluviæ , quam prædicta illa hydrophylacia superficialia originem habent a vaporibus subterraneis , nemo mirabitur , si imminutis , aut suppressis illis vaporibus , & alio raptis tam pluviæ , quam illa hydrophylacia , adeoque fontes & flumina jacturam patientur ; tunc enim verum quidem erit , quod deficientibus plu-

pluviis deficiant multi fontes; sed verum non erit, quod ideo deficiant, quia deficiunt pluviae, interim bene dicere possumus, quod ideo deficiant fontes, quia deficiunt evaporationes, & ideo deficiant evaporationes, quia a diversis causis intra viscera terræ agentibus & nobis ignotis alio vergunt, & rapiuntur.

CXIII.

Interim dixi, quod in magnis siccitatibus multi fontes, sed non omnes deficiant. Sic illa mirabilis scaturigo Martinensis, de qua Ramazzini eruditissime scripsit, sive pluat, sive non pluat, sive solvantur in Alpibus nives, sive non, semper manet eadem, hoc est ipsius in puteis aquæ ad eandem semper altitudinem ascendunt.

Item Derham. Theolog. phys. asserit, fontem prope Upminster immutabilem manere, sive pluat, sive non. Idem videmus in multis aliis, sed præ-

cipue fontibus medicatis. Quod ex nostris fundamentis facile salvari potest, quia jam superius dictum est, aquas subterraneas duplice modo fontibus & fluminibus praebere originem, nimirum primo per evaporationem, taliumque vaporum in superficialibus hydrophylaciis collectionem, & dein per communicationem mediante canalium cum fontibus & fluminibus. Sic dantur fontes & fluvii, qui utroque modo & originem & augmentum capiunt; dantur vero alii, qui uno tantum ex predictis modo suas aquas accipiunt; potest itaque aliquis fons, quamvis pluviæ & omnes subterraneæ evaporationes defint, immutatus manere, si talis per canalem cum abyso communicet. Et tales sane sunt constantissimi.

CXIV.

Sed forte quæreris, unde & quomo^ddo fieri potest, ut aqua ex profundissi-
mis

mis hydrophylaciis ad superficiem terræ ascendat? quærenti fiet satis, si ad priora reflectamus; diximus enim, aquas subterraneas per diversos canales & meatus plus minus amplos communicare cum mari, fontibus, fluminibus &c. adeoque isti canales inter se communicantes constituant quandam syphonem recurvum, in quo ex hydrostatices legibus aqua debet se restituere ad æquilibrium, adeoque aqua fontium, fluminum debet æquilibrare cum mari. Unde facile colligitur, quare ascendere debeat, ut dein magis patebit.

CXV.

Sed quæres ultro, quare & quomo-
do aqua ex visceribus terræ per modum
vaporum sæpe ita ascendat & elevetur?
Huic quæstioni pariter ex prioribus fa-
tisfieri poterit, ubi ostendimus, calorem
subterraneum esse aliquando majorem,
aliquando minorem, item in aliquo loco
esse

esse majorem, in alio minorem, prout materia illa sulphureo-martialis, aut pyritica prædominatur. Itaque a calore subterraneo prædicti vapores in visceribus terræ elevari poterunt tam bene quemadmodum omnibus notum est, a calore solis aquam in superficie globi terrauei in vapores resolvi & elevari. Unde illa quæ superius attulimus, adhuc magis confirmantur; nam ostendimus, constare ex constanti observatione & relatione fossorum, quod imminentibus copiosis & diutinis imbris in fodinis subterraneis tum copiosi vapores, cum calor quasi suffocativus operariis magno incommodo fit.

CXVI.

Verum terræmotus anni 1755. nobis evidentissimum subministrat fundamen-
tum afferendi, quod fontes perennes com-
municationem & originem ex profundissi-
mis hydrophylaciis & abyssis habeant;
etenim

etenim superius jam dictum fuit, quod caussa hujus terræmotus profundissime latuisse debuerit, eo, quod subter Oceanum in Africam & Americam evagata fuerit. Cum vero eadem caussa diversos & diffitos fontes, lacus attigerit, ut §. XXXVIII. diximus, signum evidentissimum est, quod tales fontes & lacus ex iisdem abyssis seu hydrophylaciis habeant originem.

CXVII.

Ex quibus inferimus primo: quod fontes, qui ex profundissimis hydrophylaciis originem habent, constantiores & vere perennes dici possint, reliqui vero, qui a superficialibus & circa montium radices sitis hydrophylaciis dependent, in magnis & diuturnis flicitatibus deficerre possint; quia superius ostendimus, talia hydrophylacia a vaporibus subterraneis maximam partem dependere. Si igitur tales vapores deficiant, uti hoc in
diu-

diuturnis siccitatibus contingere solet,
debent pariter tales fontes deficere.

CXVIII.

Item inferimus secundo, quod fontes, lacus & maria, quæ cum magna abyssu, seu cum hydrophylaciis subterraneis communicant, etiam communient inter se per tubos, seu canales diversi perimetri; adeoque debeant necessario juxta leges hydrostaticas inter se æquilibrium servare; si itaque talia liquida essent homogenea, seu ejusdem gravitatis, deberent se ad eandem altitudinem componere; verum cuilibet notum est, aquas marinas esse graviores aquis fontanis; adeoque ex hoc principio fit, ut fontes in altissimis sæpe montibus scaturire videamus, quod certe non aliunde nisi ex legibus hydraulicis & hydrostaticis deduci potest.

CXIX.

CXIX.

Quapropter mirari debemus, quod Celeberrimi & Illustres Viri, ut eo facilius contrariam tueri possint sententiam, judicent, prædictos vapores subterraneos, guttas aqueas, item rivulos, qui in locis subterraneis observantur, ab aqua pluvia se per terram porosam, diversasque rimas insinuante, dependere; cum tamen prædicti vapores, uti jam diximus, antequam pluat, & dum pluit in locis subterraneis observentur. Quinimo obseruationes nos docent, quod in profundissimis suecicis fodiinis sæpe pluat cœlo existente sereno.

Plura similia legi possunt apud Veturarium in elegantissimo tractatu de ventis, ubi ostenditur, caussam materialē pluviarum ut plurimum ex visceribus terræ originem ducere, quamvis negare non possimus, exhalationes, seu evapo-

rationes lacuum, fluminum, aquæ marinæ ad pluvias multum contribuere.

CXX.

Unde non videtur magnam habere difficultatem ille calculus, quem Clarissimus Mariotte de fluvii sequanæ aquis, qualem etiam Clarissimus Sedileus in aliis fluminibus instituit. Ejusdem genii est alter calculus, quem ingeniosissimus Halleyus de quantitate evaporationis maris mediterranei cum quantitate aquæ ex fluminibus in idem se exonerantibus computavit, exinde conatur enim ostendere, quod vapores, qui ex mediterraneo elevantur, longo intervallo excedant omnem molem aquarum, quam omnia flumina in illud invehunt. Igitur infert, quod omnes alii superstites mediterranei vapores successive ad terram, vel per modum pluviarum aut nivis recidere debeant; & cum sic vix quarta pars ad mare iterum deferatur, necesse erit, ut alia moles

les aquarum pluviarum se in profundum terræ insinuet, & partim pro nutritione vegetantium, partim pro constituendis hydrophylaciis, tanquam vastissimis aquarum & fontium promptuariis inserviat.

CXXI.

Verum nostri fori non est, hæc minutim trutinare aut refutare, cum hæc profundissime examinata & soluta videri possint in Clarissimi D. Kuhnii meditationibus de origine fontium &c. Item in Actis Lips. anno 1685. Eruditissimi Plot Societatis Lond. Secretarii, aliisque Clarissimis autoribus, qui data opera hac de re tractarunt, sicque ne actum agere videamur, Lectorem B. ad illos remittimus.

CXXII.

Item ex nostra de terræmotu sententia facile solvitur, illa de aquis diluvianis ingens difficultas. Nam ex sacris litteris constat, quod aqua diluvii quinde-

cim cubitis altior fuerit quam altissimi mon-
tes, quos operuerat; cum enim omnes aquæ,
quæ hoc tempore superficiem globi terra-
quei operiunt, sufficere non potuerint, ut
prædictam altitudinem adipiscerentur, un-
de necessarium erat, ut Deus vel alias
novas aquas crearet, quod infinitæ ejus
providentiæ obesset, vel quod tales a-
quas aliunde, ut ex aliis syderibus in
auxilium vocaret. Ex quo factum est,
ut aliqui, uti acutissimus Wiston, pu-
tarent, quod terra suo motu in cuius-
dam cometæ caudam impegerit, & vir-
tute attractiva copiosissimas aquas, tan-
quam largissimos imbræ in se rapuerit,
atque sic aquarum molem, quæ in dilu-
vio prædictæ altitudini efficiendæ par es-
set, constituerit. Ast hæc & similia ad
libitum inventa & asserta videntur; et
enim ostendi non potest, quo illæ aquæ
post diluvium devenerint, an annihila-
tæ, aut alio derivatæ fuerint,

CXXIII.

Ex nostra vero sententia facile ostendere possumus, aquas illas subterraneas, quæ magnam illam abyssum implent, & constituunt, ad prædictum diluvium sufficere potuisse. Nam dum aër in prædicta abyssō rarefactus omnes aquas ibidem contentas expresserat ad superficiem terræ, factum erat, ut aquarum locum prædictus aër rarefactus occupasset, ne ibidem vacuum admitti debeat.

CXXIV.

Hoc autem non tantum rectæ rationi sed & sacris litteris respondere videtur, sic Genes. c. VII. *Rupti sunt omnes fontes abyssi magnæ. Item: Ego adducam aquas diluvii super terram.*

Si enim ab aliis vicinis syderibus aquæ in auxilium vocatæ fuissent, non dixisset super terram sed potius in terram.

CXXV.

Item dum dicit: *Omnes fontes abyssi magnæ rupti sunt* significat, quod aquæ ex profundissimis hydrophylaciis summa violentia per canales, quibus cum fontibus, lacubus, & aquis marinis communicant, ad superficiem terræ propulsæ fuerint, adeoque, quod exinde summus ibidem æstus excitatus fuerit.

Unde iterato constat rimo communicatio fontium, fluminum, lacuum, & marium cum aquis subterraneis.

CXXVI.

Item exinde deduci possunt plura hydrophylacia, seu plures abyssi: nimurum aquarum abyssus magna & plures minores inter se communicantes, aut faltem plura similia hydrophylacia subterranea inter se per diversos canales communicantia, abyssus aquarum magna vocari potest.

CXXVII.

Tandem exinde derivari possunt montes, & diversa peregrina atque exotica con-

conchylia , quæ ibidem reperiuntur , & quorum ortus ad hæc usque tempora magna Physicorum adeo exercuit ingenia . Nam dum aqua ex profunda abyssō magno impetu per canales communicantes ad superficiem terræ exprimebatur , tunc debuit necessario contingere , ut multum terræ minus cohærentis ex his canalibus abraderetur , & ad superficiem terræ abriperetur , quæ ibidem congesta , si non omnes , saltem multos , quos videmus , montes constituerat .

CXXVIII.

Quia vero exinde canales per quos aqua impetuose ferebatur , necessario dilatabantur , factum est ; ut una cum aqua & terra ex profundissimis hydrophylaciis quam plurima conchylia adferrentur , quæ dein partim prædictæ terræ ex canalibus abrasæ , & ad superficiem terræ propulsæ immixta , partim a motu & impetu aquarum ultro evecta & cum alia

terra mixta, hinc inde sat copiose deprehenduntur. Dum vero aquæ diluvii subsidissent, & se in pristinas cavitates recepissent, multæ portiones terrestres leviores & limosæ, quæ cum aquis hinc inde agitabantur, partim lege gravitatis operiebant superficiem terræ, partim vero ipsis canalibus, per quos aquæ diluvii se receperant, adhærendo angustabant eorum diametrum, uti mox diximus, nimis dilatatum, quæ tamen sufficeret pro conservanda communicatione fontium cum aquis subterraneis.

CXXIX

Ex quo ratio patet, quare scaturientes circa montes potissimum habeant suam sedem; item cur ibidem multa superficialia hydrophylacia efformata fuerint, quia tales cavitates, quæ prædicta hydrophylacia efformant, nihil aliud esse videntur, quam aliqua pars adhuc superestes ex illis canalibus nimium tempore diluvii dilatatis.

Su-

Supersunt aliqua, sed minoris momenti explananda terræmotus phœnomena, quæ facile ex datis principiis solvi & explicari possunt.

CXXX.

Primo, quare terræmotus nunc magis horizontalis, nunc magis perpendicularis observetur, quinimo idem terræmotus in uno loco magis horizontalis & ab una plaga ad alteram directus, in altero vero magis perpendicularis esse deprehenditur?

CXXXI.

Secundo, quare unus locus magis, alter minus tremat, quinimo contingit sæpe, ut multa loca intermedia leviter, aut plane non commoveantur, ubi tamen alia circumambientia magnopere convelluntur, uti hoc in terræmotu 1755. multis in locis observatum fuit.

CXXXII.

Tertio, quare & quando fiat sibillus, mugitus & strepitus subterraneus, qui

ab uno loco in alium moveri obseruantur; item unde bombi & fragores, quasi tormenta bellica exploderentur?

CXXXIII.

Quarto, quomodo ex terræmotu aliquando oriantur montes ignivomi, & novæ insulæ; aliæ vero oblitterentur; item, quomodo novæ propullulent scaturigines, aliæ vero per multa fæcula nobiles, comprimantur; & multa alia, quæ aut jam explanata sunt, aut levi labore ex his, quæ jam dicta sunt, deduci poterunt.

CXXXIV.

Itaque de duabus primis quæstionibus dicendum aliquid brevissime, & quidem quoad primam dicimus, quod terræmotus perpendicularis fiat, dum materia intra cavitatem subterraneam rarefacta fornicem seu septum superius, tanquam partem minus resistenter perrumpit, in quo casu tota vis materiæ rarefactæ in cavitatem superiorem supereminen-

nentem agit, adeoque omnia, quæ cavitati huic superincumbunt, concutit & contremiscere facit. Dum vero parietes laterales, qui pariter sunt septa cava-
tes subterraneas ab invicem separantia, perrumpuntur, tunc tota actio & vis de-
terminatur & dirigitur ad lineam magis
horizontalem, in quo casu terra una
cum ædificiis suprapositis pariter horizon-
taliter, & quasi undularet, movetur,
quia illa ipsa vis plures & repetitas alli-
fiones, repercussiones & refractiones sub-
ire debet. **I**ste terræmotus, cuius ge-
nii videtur fuisse ille 1755. potest se ad
magnam distantiam extendere, eo, quod,
si impetus sit vehemens, plures tales &
amplissimas subterraneas cavitates perfrin-
gere & pervadere possit.

Item potest contingere, ut prædicta
vis se non tantum horizontaliter & ad la-
tera, sed etiam perpendiculariter ad su-
periorem partem extendat, in quo casu
mo-

motus, qui observatur, erit mixtus, & eo violentior. CXXXV.

Ad secundum vero, quare nimirum unus locus magis alter minus tremat, ipse Plinius Lib. 11. jam respondit, dum ostendit aliquas terras facile, & ad ingressum tremere, sicut in Gabiensi agro non procul urbe Roma jugera fere ducenta equitantium cursu terra tremit. Idem observatur in agro Reatino.

CXXXVI.

Interim observationibus physicis constat, quod terræ solidiores magisque compactæ, ut rupeæ, montosæ, magis & violentius concutiantur, quam rariores limosæ, & laxe cohærentes. Ratio physica hujus observationis in eo consistit, quod impetus & vis, quæ in rebus compactis communicatur uni extremo, propagetur ad aliud usque extremum, ubi e contrario in illis, quæ rariores & laxe cohærentia sunt vis communicata mox infringatur & obtun-

da-

datur. Sic globus tormenti explosus, & in solidissimum propugnaculi murum impactus commovebit notabilem propugnaculi partem, quod non fit, si tale propugnaculum ex terra plus minus limosa & argillacea compactum sit.

CXXXVII.

Si ultronee de effectibus, quos terræ motus causatur, ratiocinari libet, sane illos, qui animalia & specialiter hominem attingunt, ex officio physici & medici, quo fungimur, sicco pede præterire non possumus. Etenim observationes & relationes nos docent, quod saepè vehementes terræmotus diversi morbi epidemici maligni, contagiosi, quinimo pestilentiales sequantur, uti Sect. I. jam diximus. Ratio hujus est, quod multæ exhalationes putridæ tali tempore inficiant aëra, item quod ex illo mœrore & terrore, quo homines tempore terræmotus percelluntur, humores facile ad putredinem disponantur.

CXXXVIII.

CXXXVIII.

Quam vehementer autem mens humana ex convulsionibus globi terrauei percellatur, patet exinde, quod menti exinde tam tristis imprimatur idea, ut diu noctuque in continua anxietate & pavore degat uni infixā tristi cogitationi. Ex quo necessario sequitur, ut omnes functiones tam animales, quam vitales & naturales langeant. Unde mirum non est, si exinde non tantum corpus, sed & mens ægrotet; etenim multos tali tempore afflit vertigo, vomitus. Alios apoplexia invadit, fœminæ passionibus hystericas corripiuntur, aliæ, quæ uterum gerunt, abortire solent. Verum numerus eorum, quos affectus hypochondriaci, melancolici, quinimo etiam maniaci tenent, vix non aliis prævalet, quod Seneca quæst. natural. Lib. VI. Cap. I. experientia edocetus confirmat: „ Nunquam visa fuit tanta stultorum & „ fatuorum quantitas, quam eo anno, quo

„ ter-

„ terræmotu cecidit illustris urbs Pom-
„ peja in Campania nonis Febr. Regulo
„ & Virginio consulibus.

CXXXIX.

Interim calamitoso tali tempore quo-
rundam, aut delirantium, aut impiorum ma-
litia eo invalefcere consuevit, ut audeant
urbium, oppidorum ruinas, eversiones pu-
blice prædicere & vaticinari. Hoc factum
esse, legimus ex Baronio ad Annum 396.
Constantinopoli sub Arcadio & Honorio
cum maximo habitantium terrore.


Ast idem recentissime contingit Ro-
mæ 1702. Nam nocturno tempore, media
nocte, dum fere omnes somno sepulti es-
sent Romani, quidam scelestissimi aude-
bant, semitas, vicosque percurrere, domo-
rum fores pulsare, & alta voce clamare, ea
nocte universam urbem dirutum & absfor-
ptum, omnesque incolas sub ejusdem ruinis
sepultum iri, ex quo falso nuncio terrefacti
cives, propriam salvare vitam studebant, &


fe-

seminudi pavidiq[ue] valedicebant laribus &
 urbi, seque ad vicinas recipiebant planities,
 sicque extre[um] urb[is] excidium horrentes
 expectabant, donec a proido & claro ur-
 bis Magistratu titubantium animi ad quietem
 componerentur. Huc spectat Senecæ textus
Lib. VI. c. 29. „ Alios timor vehemen-
 tius perturbat, & in dementiam transfert,
 „ nec unquam plura exempla vaticinanti-
 um invenies, quam ubi formido mentes
 „ religione mixta percussit. „ Quare si-
 mili funesto in casu optimum erit divinissimi
Senecæ consilium Lib. VI. quæst. natural.
 „ Proinde magnum sumamus animum ad-
 „ versus istam cladem, quæ nec evitari nec
 „ provideri potest - - - „ Timor sine
 „ remedio stultus est, ratio terrorem pru-
 „ dentibus excutit, imperitis fit magna ex-
 „ desperatione securitas - - Tandem: si
 „ vultis nihil timere, cogitate, omnia
 „ timenda esse.

F I N I S.







1578

Narodna in univerzitetna knjižnica
v Ljubljani

516483

4